

辛卯侍行記

辛卯侍行記卷二

自天津西行至保定其陸經山至陝西省城共二千五百九十里

秀水陶陳

八月朔壬辰雇船三艘至保定其錢三十六千

初二日卯至紫竹林送高八叔還南辰至外舅舟次辭行
與內子話別午俶裝同行者張愚翁父子二人僕從增徐
璋汰尤和申刻登船家君至吳楚公所小坐李中堂暨
鎮軍司道諸公在彼送行水陸各營將領率所部送於河
干舟行八里泊西沽知天津府事淄川鄒岱東振岳河防
同知桐鄉馮少芝清泰知天津縣事吳縣李搏霄振鵬及
候補諸君均來送外舅亦掉舟來三鼓別西沽卽浣河

自河頭受東淀之水東至丁字沽會南北運河長四十里

初三日卯西行 十八里韓家樹

武清縣南一百里

三十里淀

隄頭自此入東淀一稱三角淀又有葉淀沙家淀火燒淀水紋淀等不可具名概呼之曰東淀水經注謂之雍奴藪有九十九澱今淀水亘武清東安永清南境靜海大城文安北境東西百六十里南北六七十或二三十里永定河自西北來子牙河自西南來匯焉浩淼處似檣李鴛湖水起浴鷗鼎見潛介風烟披薄觸目栖情惟菰蘆叢生芰草密布壅溜停汎易成洲渚東西兩淀古時必合爲一其支流交錯者今日清河別於永定之渾河也七十二清河

大半淤塞自來汎員惟知守隄淀之通塞河之淤淺爲考

成所不及無過問者淀淤而水無所瀦積雨暴漲害斯亟

矣 二十二里揚芬港靜海西北境四十里泊勝芳文安東北七十

里蚊多難寐計行一百一十里 武清縣漢漁陽郡之雍

奴故城在今泉州縣東南四十里二縣地北魏廢泉州入雍奴

隋屬涿郡唐天寶初改武清縣屬幽州明移於今治 文安

縣漢屬渤海郡故城在今縣東三十里後屬河間國晉北魏屬章武

隋大業中於三河口置豐利縣今縣治與文安同屬瀛州唐

貞觀初廢豐利徙文安治之景雲時改屬鄭州五代周屬

霸州宋金元明因之今屬順天府 永定河實說文之灋

水一曰治水俗本水經誤作濕出山西朔州馬邑鄉西北

洪濤山東南流南受灰河北受桑乾泉灤水遂名桑乾河

水經注亦作灤水東北流至山陰縣會黃水至應州會渾河出渾源州

東恆山北麓又得渾河之稱至大同會城驛會武州川御

河至直隸懷安縣南壺水自蔚州來入至保安州會宣化

之洋河至土木堡媯河自延慶州來會折而東南出兩山

間經都城西地平土疏衝激震蕩經盧溝橋又有盧溝河

小黃河無定河諸名康熙三十七年

賜名永定河折東經固安永清北東安縣南又東南注東

淀南分一支山霸州入會同河達東淀永定河自元以來

屢爲患雍正三年怡賢親王於郭家務改河東行由長甸
河注之河頭令渾水別行奏明逐年挖淺而河官銅習不
利挖淺而利築隄久之長甸淤而東淀亦梗噎近年曾派
員挖勝芳中亭諸河然塞者多通者少急難見效也子牙河一
名鹽河自河間經大城東北子牙村故名匯澤溢諸水湍
悍迅激康熙中於河間獻縣築長隄西接大城東接青縣
靜海各二百餘里又於焦家口開引河東北至賈口入淀
雍正初正流田氏子頭莊頭村東注清河子牙之上游
爲潯沱出山西繁峙太嶺山東南流經代州崞縣定襄孟
縣又東南經直隸平山靈壽正定藁城自藁城以下遷徙
不一明時由東鹿入甯晉泊爲之淤康熙時由甯晉溢
出會澤漳二水過衡水武強河間至獻縣分二支一東北
流爲子牙一東流至青縣入衛今淤雍正初東徙不入泊
怡賢親王挖舊河由木邱至衡水之焦岡會澤河同治七
年潯沱北徙入元時漳水所決之古羊河橫溢四出深州
河間均受其災光緒七年清河道史克寬於獻縣朱家口

築壩開新河挽入子牙故道獻縣城西數十村當漳水來路向憂浸溢言者以是劾史并議改道由河間八里橋經臧家橋入子牙然八里橋以下地降數丈有奪溜潰決之虞下游各邑民大譁乃止子牙之上游一爲滄陽河出磁州神磨山東北至邯鄲諸名諸水會焉明永樂中由承年曲周入漳水康熙時漳徙而東滄水經雞澤新河入甯晉泊自泊東北出至冀州會漳沱

初四日西行 二十四里石溝河文安東北五十里 八里左各莊

五里王家疙禿 三里任家莊 十五里蘇家橋文安東二

十里霸州東南 五里苑家口霸州東南四十五里 漸向西南行 五

里善來營 四里魚津窪 三里太保莊 三里口頭郵

文安北境瀕水二三十里土性疏 四里魯各莊 四里于

俗名雞糞土不耐水恆慮沖決 直保定縣 四里五哥

各莊

四里張各莊

三里擺渡口

城之北

四里五哥

莊 六里史各莊雄縣莊多史姓俗呼某家爲某各計行一

百里 霸州唐幽州永清縣益津關地五代石晉時入於

契丹周世宗置霸州治永清宋徙治文安屬河北東路金大定

中置益津縣今州治之元因之中書省明省益津

以州屬順天府州東五十里信安鎮宋信安軍金改縣元

廢其東有忻城宋楊延昭屯兵拒契丹處 永定河在州

北明嘉靖中山西巡按宋議望言桑乾自金龍池至盧溝

橋千餘里在大同則卜村稍有亂石在宣化則黑龍灣有

石崖其險不越四五十里水淺處亦深二三尺誠疏鑿之

爲力甚易撫臣侯鉞嘗駕小舟至懷來過卜村黑龍灣坦

行無虞又自懷來載米逆水上達古定橋

大同境

便漕有明

徵云

天下郡國利病書

余按自盧溝橋至山西大同果道舟楫洵

屬便利今昔情形殊異浮沙日多盈涸無定不能容舟也

保定縣本涿州東南新鎮宋太平興國中置平戎軍景

德初改保定軍宣和中改保定縣屬莫州金屬雄州元明

屬霸州今屬順天府

東西二淀間有經流二北曰中亭河南曰會同河一稱玉帶河河窄時溢

自保定縣渡口截淀河而西北約十里至張青口又三十餘里清口門溯白溝河二十里至雄縣百年以前漕舟可

達雄縣淤沙漸高咸豐時已不能挽運矣

初五日辰知雄縣事江西王慶雲年丈來 五十里趙堡

口

雄縣南任邱北

清河道涇縣潘梅園在什方院督視河工遣人

邀家君登岸敘談綠水澄澹川亭望遠爲遊矚之勝所
舊有

行宮康熙乾隆時屢邀

宸憩焉趙堡口卽宋之唐興口

一作趙北取公孫瓚傳在燕南垂趙北際之義也

任邱東北五十里居西淀之中舊有石橋八白洋諸淀之水皆出橋下橋罕礙流雍正初怡賢親王易之以木恢其制增三橋俗稱十二連橋燕齊驛足所必經西淀所受水北自雄縣清口門來者曰大清河古名白溝拒馬河之下流也宋稱界河許奉使行程錄拒馬河至此東入海河宋與契丹以此爲界出易州廣昌之涑山東流經州北爲涑

水又東分二派一東經涿州新城而南於古爲督亢澤疏

璃河諸水入焉一經州東過定興而東南易水濡水武水

入焉二派合爲白溝亦名民濟河入柴火淀西淀之西自

安州來者曰依城河俗稱徐河一名順水出五迴嶺經

水卽曲逆河一名方順出完縣西北東至所會也西北自

安肅來者曰雹河出石獸岡灌河入之經南自高陽來者

曰豬龍河出山西靈邱東南至唐縣爲唐河合橫水卽

唐也恆也三名互稱沙出山西繁峙一名派水東南合阜

實則禹貢之恆也滋出山西五臺東南經靈壽

河行唐之部河又爲慈水又東經無極深澤

東經新樂定州三岔口經博野曰繁蠡縣曰陽高陽曰高入白

會也

會於祁州

經博野

曰繁

蠡縣

曰陽

高陽

曰高

入白

洋淀

亦西淀一隅

西淀瀟眾水合眾淀

又有三游五官等淀

跨雄縣任邱

安州諸邑寰宇記引水經注鄭縣東南狐狸淀俗亦謂掘

鯉淀唐志稱莫州有九十九淀者也古時容水之地甚廓

今大半淤墊欲不泛溢安可得乎

水濱偶涸民利其腴占爲圃田有司以增賦爲

築厯年既久昔日諸水處什九廬墓水窄而潰不得不隄無隄則泛濫勢緩迫水退上肥來歲或可豐收有隄則衝決力猛廬舍蕩焉悔而毀隄隄內民必譁其禍遂無已時孫文定云永定子牙向皆無隄泥流田間水不淤淀自承定築隄束水而勝芳三角等淀淤自子牙築隄束水而臺頭等淀淤蓋隄防僅以救急實有無窮隱患也光緒初年清河道葉伯英修培舊千里隄竝新築數隄亦徒爲救急計耳欲免築隄在禁佔水旁涸地不貪小利自無大害恭讀乾隆元年

上諭管理水利河臣及瀕河州縣各於所屬境內相視河

流淺阻每歲農隙募夫修浚定爲章程乾隆三十六年

上諭淀泊利在寬深旁閘淤地水小時偶然涸出瀕水愚

辛卯侍待記卷二

六

三八

民食其肥潤卽行估墾不知所估之地日增則蓄水之區日減每遇潦漲水無所容漫溢爲患在閭閻獲利有限而於河務關係非輕着傳諭各督撫凡有此等瀕水地面除已墾者姑免追禁外嗣後務須明切曉諭毋許復行估墾等因煌煌聖訓所宜恪遵也 未刻行 三十里泊新安城外計行八

十里

雄縣燕國易邑漢涿郡易縣

今治北

後漢晉屬河間

國北魏屬高陽郡北齊廢唐置歸義縣屬幽州後屬涿州

五代周徙治瓦橋關並置雄州

縣西南二里有大雄山

宋諱義改縣

曰歸信而舊縣在契丹屬涿州金省歸義入歸信明并入

雄州尋改爲雄縣屬保定府

縣西有楊關相傳楊延昭所築

任邱縣漢涿

郡鄭縣

今治北

平帝使中郎將任邱築城於此東漢以後均

屬河間高齊始置任邱縣唐景雲初於鄭縣置鄭州以任

邱屬焉開元中以鄭鄭文相類更名莫州後兼置文安郡
河北宋廢莫縣移莫州治任邱元於故莫置莫亭縣復爲
莫州治明竝廢以任邱屬河開府新安城宋雄州容城
縣地金析置渥城縣移安州治此元廢後爲新安縣屬保
定路明屬安州

國朝屬保定乾隆

年廢入安州以州判駐焉

初六日卯白露二十五里安州權知州事江蘇章定安
鈞及候補諸君來接自安州以西水淺膠舟逐段下閘蓄
水牽挽而上五十五里泊蓮花橋計行八十里安州
燕國阿邑後屬趙又曰葛城今州治漢屬涿郡高陽縣晉爲高

陽國地唐武后分高陽河間地置武昌縣

新唐志作武興故治在州東南

屬瀛州神龍初改唐興縣後屬莫州五代廢宋爲唐興寨

後置順安軍

河北西路

金改安州

中都路

大定中徙州治葛城縣

泰和中又徙治渥城元還治葛城

保定路

明省葛城

國朝以安州屬保定府罷所領縣宋滄州節度何承矩

於順安雄莫等州引水興堰以限契丹戎馬而水利亦大

興焉冀州宜稻林文忠畿輔水利議於歷代開治水田成

效臚載詳明有心人可仿行之惟北方水利屢興屢廢非

因土性不宜實因耕耨不力

七月二十一日記已詳論之

雍正初怡賢

親王開畿輔稻田六千餘頃後卽廢棄蓋北人不喜食稻

吾鄉每日三餐雖貧者必具數肴北人饔餼麪餅藏之懷中食無肴饌無定時定所又不必日日舉火簡儉便三字兼有焉途中車夫以蠟燭和麪欣然下咽余初見詫爲怪事繼思之此猶豐年常事耳噫安得令南中飲食之人徧視諸穡事之惰旣遠遜江浙種稻之艱又倍於種麥故不能持久今淮軍弁勇於天津興農鎮營稻田六萬畝收穫甚豐北人罕知效法屯丁多無眷屬仍非久計總之北方之地令南人治之可稻者亦多蘇杭腴地令北人種之數年後亦漸成瘠壤至於興水利不必盡種稻凡黍麥雜糧未嘗不需水牧民者毋慕稻田之虛名當於溝渠求實事因勢利導多一分水利卽增一分收穫論者謂畿輔興稻田可減南中漕運然旗丁多不食稻領取米券質諸碓房

以應他需碓房以券易米碓而精之鬻諸南人碓房皆豪
商與倉吏暱頗能弋利畿輔縱少稻田南漕或可少減乎
初七日西行 十六里至保定府南關外知府事懷慶朱
敏齋靖句知清苑縣事咸甯徐子樹銘勳城守協六安胡
振聲金元及練軍弁勇迂於水次 家君登岸城守尉奎
樂軒藩臺裕壽泉臬臺周玉山在龍神廟行請

聖安禮舟又行 四里泊南門橋畔進城住延壽寺街兩
江會館計行二十里天津至此水路三百九十八里前年
偕惺弟侍 家母寓此今者天各一方能無振觸 保定

府周燕地漢涿郡及中山國地晉爲范陽屬幽州高陽博陵

中山

冀州

等郡國唐屬易定瀛莫等州五代唐爲奉化軍改

泰州宋初置保塞軍後改保州亦曰清苑郡

河北西路

金爲保

州

順天軍

中都路

元改順天路後改保定路明爲保定府

國朝因之康熙八年移直隸巡撫駐保定雍正二年改置

總督設布按二司爲直隸省治

清苑縣

金臺驛

倚郭漢涿

郡樊輿縣

府東南

廣望縣

西地後漢均廢北魏爲高陽郡扶

輿縣析置永甯縣

今縣

清苑縣

府東北七十里

又僑置樂鄉縣

府南

漢信都國樂鄉縣在涿州東

北齊并入永甯改永甯曰樂鄉隋改樂鄉

爲清苑屬瀛州唐屬莫州後唐爲泰州治石晉徙泰州於

滿城周廢宋改保塞縣保州治此金復曰清苑縣

府西二里有清

河苑

保定北路及西北路附

保定東北三百三十里至京城折西北一百三十里出

居庸關經榆林土木雞鳴三堡二百四十里宣化府由府

西行一百二十里懷安縣一百二十里山西陽高縣一百二十里大同府一百八十里朔平府二百三十里歸

化六十里張家口西北行蒙古軍臺五百里至第九臺

曰沁岱以上察哈爾又四百三十里至第十六臺曰錫拉木

楞歸化城北約三百里又五百四十里至二十四臺曰賽爾烏蘇

爲四達之衢折北行歷十五臺九百八十里庫倫距京二千

八百八十里又北十二臺九百二十里恰克圖以上均喀爾喀土謝圖汗

境接俄國雜拜喀勒省界

恰克圖東北一千三百二十五里赤塔城卽雜拜喀勒省

會恰克圖北一百九十里斜連金司克折東北三百四

十二里伊里音折西一百九十三里坡索哩在拜噶爾

湖東折西南二百六十八里哈喇穆林折西北一百一

四里庫勒圖克以上均瀕湖夏有輪舟又北一百七十

六里伊爾庫次克省西北二千有十五里也尼塞省一

千一百一十一里托木司科省折西南四百五十七里闊

雷完又西北一千三百二十五里鄂木司克一千九百

二十四里威爾和捏烏拉里西行一千一百五十八里

倭連布省距恰克圖九千二百六十三里俄人擬於此

路設鐵軌改弧就弦尙有捷徑其倭連布鐵路西北連

俄都三千九百一十里自賽爾烏蘇臺西行經三音三千有六十

里烏里雅蘇臺距京四千九百六十里又西北一千三百二十里

科布多杜爾伯特地距京接俄國托木司科省界折南

五百六十里沙札蓋臺折西一千二百六十里布倫托

海一千三百里新疆塔城廳接俄國斜米省界

初八日拜客數處

范景喬沈孟威勞莘農均出門晤章仲嘉約同至孔宅

清苑人吳

甸侯建勳懷才敦行淡於榮利家君往拜擬延至新疆

以老辭

初十日已刻自保定啟程出瞻岳門司道以下文武均送

西關外盧木齋先生自贊皇來行色匆匆未得暢敘輕車

十二輛雇至陝省每輛價十八兩家君坐轎保廉坐馱

轎雇價六十兩每日派兩人騎馬十五里小激店十

里大激店

清苑

十里郭邨

滿城

燕賢士郭隗故里東北距滿城

縣十里滿城漢中山國北平縣地

度龍記言後漢屬涿郡蓋治縣志之誤又云漢

北平侯張蒼子孫徧居城中因名縣曰蒲城余按北魏屬史記漢書張蒼傳及地理志郡國志均無此說

北平郡東魏析置永樂縣今治西北僑置樂良郡北齊爲昌黎

郡治隋罷郡以縣屬易州上谷郡唐天寶初改蒲城縣元

和志以縣北故蒲城爲名舊唐志亦作蒲城按漢地志曲逆蒲陽山蒲

水所出水經注瀧水篇蒲水逕蒲陰縣故城北徐水東逕蒲城北蓋蒲水之濱西有蒲陰東有蒲城也新唐

志誤作滿城自後志乘多沿其誤石晉徙秦州於此五代

周廢宋廢滿城金復置城西塔院屬保州元屬保定十里陘

陽驛十五里方順橋飯於旅店方順河古名曲逆卽濡

水今完縣之祁水也詳初五日記十里高庾鋪完縣蜀輜日記作

膏腴度隴記作高映東北距完縣二十五里完縣晉逆時

縣東南三十里哀四年

漢中山國曲逆縣

東南二十里濡水於城北曲而

齊國夏伐晉取逆時

西流北平縣

東二里

章帝改曲逆曰蒲陰晉因之北魏置北

平郡北齊廢郡及蒲陰隋以北平屬定州唐改狗忠尋復

故宋因之金爲永平縣屬中山府旋升完州明改完縣

十里良邨

望都

度隴記謂漢昭烈帝故里保廉按蜀志帝涿

縣人今涿州西南十五里樓桑邨也

十里望都縣

望城驛

住東關旅店計行九十里知縣事河南郭蔭庭東槐

望

都戰國趙慶都漢中山國望都縣

張晏曰堯山在北堯母慶都山在南登堯山見

都山故名郡國志引帝王世紀曰堯封唐堯山在北南有
望都山堯母慶都所居相去五十里魏地形志望都有伊
祁山馬氏通考云堯始封望都蓋邑近唐縣故有此說縣
志城中東南隅有堯母陵東郭有帝堯廟城東有丹朱墓

唐屬定州金改慶都元明及

國初均因之乾隆十一年復曰望都

遼金別有望都縣在今永平盧龍縣

十一日自望都西南行

十里南十里鋪

二十里清風

店

定州

度隴記云店北平壤爲石將軍亨戰場保廉按明史

石亨破也先在德勝門外時敵兵由紫荆關侵京師不經

定州

二十里清水河卽白龍泉南入唐河卽滹水

詳初五日

記十里定州

永定

城外飯權知州事章邱高星槎建勳

定州堯始封唐國之地

州西北六十里唐縣應劭曰故堯國唐水在西張晏曰堯爲唐侯國

於春秋鮮虞國

余按鮮虞亦匈奴也史記韋粥儉仇卽匈奴則鮮虞卽儉仇之轉音蓋周本稱鮮虞

秦曰匈奴韋儉鮮匈奴均當讀若噴易其文不易其音舊稱白狄別種姬姓蓋胡人曰漢姓也

後改中山

國漢置中山郡景帝改中山國治盧奴縣今州治水經注俗云水黑曰盧

不流曰奴余按此蓋胡語今蒙古稱黑曰喀喇及安險州

稱補水曰淖爾盧奴者喀喇淖爾之急呼也

新處東等縣地後漢廢新處更安險爲安惠譌爲安喜昭烈

帝嘗爲後燕慕容垂都中山郡後魏於郡治盧兼置安州

天興初改定州自後或州後周隋初定州唐初乾元初復稱定州五代及宋金均定州

或郡高齊鮮虞郡廢盧奴入安喜隋煬帝博陵郡宋金同或軍唐開元

建中初義武軍宋太平或路宋慶厯或府唐初定州大總

興國初定武軍金同更置不一明爲定州廢安喜

大都督府宋政和時中山府金初及元因之

國初因之雍正二年升爲直隸州以保定之深澤正定之曲陽來屬州西門內

有中山靖王墓州治東北眾春園故址韓忠獻蘇文忠二

祠及雪浪石皆在焉城南三里自劉禹錫陋室故址州西

門外舉人王文泉灝富而好禮篤志正學掞刻十五里流

織輔嚴青未竟而沒深望後人之克承先志也

良橋卽七里溝石望見曲陽嘉山郭汾陽李臨淮破史思明於此

十里明月店相

傳漢光武避王郎之難宿此雞鳴而去後人爲建雞鳴臺

故址在堡北

十里界牌鋪

新樂

十五里新樂縣

西樂驛

進東

門住景義書院計行一百一十里知縣事汝陽石韞峰岷

山新樂縣亦春秋鮮虞地漢置新市縣中山孝王爲其

母焉昭儀建宮於西鄉樂里呼西樂城時人語訛西爲新

隋因置新樂縣屬定州唐迄明因之今屬正定府

縣西南十三里

有儀臺卽趙武靈王之九門野臺講儀爲義地形志新市

有義臺城寰宇記謂之伏義城後人遂於新樂東門外立

義皇聖里碑余按司馬貞三皇紀伏義成紀

人今甘肅秦州也州城北四十里有畫卦臺

十二日出新樂南門過沙河

詳初五日記

十五里小砦

十里

馬頭鋪

新樂

過曹河木刀溝之下流也

五里藁城界牌藁

境錯入驛路者十里藁城古肥子國

白狄別種

戰國爲趙之

九門

縣西

宜安

縣西

漢爲眞定國肥累縣

縣西南

藁城縣

常山郡九門縣地後漢廢肥累藁城北魏復置藁城屬鉅

鹿隋屬趙郡唐屬恆州宋屬眞定府廢九門元改藁城

十五里伏城驛

正定

卽新城鋪度隴記謂閔子爲故里保廉

按史記集解引康成曰閔氏魯人也 二十里拐角鋪

十里滋水

十里正定府北關正定鎮涪州徐建農邦道

正定縣儀徵吳魯南沂迓於城外知府事江夏陳鶴雲慶

滋因公赴熱河 四里住城內興隆寺計行八十九里

正定府春秋鮮虞國境漢分鉅鹿置恆山郡治元氏縣避

文帝諱改常山武帝分置真定國後漢并入常山國仍治元氏

魏復常山郡嗣後或郡晉北魏後周均常山隋煬唐天寶初恆山天寶十五載平山或

州後周隋初唐初乾元初均恆州元和中五代宋初鎮州或軍唐開元恆陽軍五代梁武順軍後唐宋成

德五代唐建北都改爲真定府宋以後皆曰真定倚郭正

定縣恆山戰國中山東垣邑府南八里後屬趙漢高十一年陳

豨反帝自攻拔之改曰真定縣晉以後爲州郡治今府西

里常山故城舊唐書元和志皆云北魏移郡於今州城或云唐初移今治

國初爲巡撫所駐雍正元年改真爲正城北有蘭相如廉頗李牧墓南月城

有漢順平侯趙雲故里碑宋濟陽郡王曹彬府屬靈壽恆
人彬子孫多賢爲將相家所罕有蓋仁人之遺澤遠也恆
山在府北曲陽縣西北東抵保定西亘大同北嶽之祭舊
在曲陽明宏治中兵部尙書馬文升請改祀於山西渾源
州禮臣倪岳格其議萬厯時大同巡撫胡來貢重申前議
禮部尙書沈鯉又駁之

國朝順治十七年刑科給事中粘本盛請移祀渾源州顧亭
林胡陂明均辨北岳在曲陽潛邱劄記以曲陽爲是引孔
穎達崧高之疏曰天子不據己所都以定方岳蓋軒居上
谷處恆山之西舜居蒲坂在華興隆寺俗稱大佛寺隋龍
山之北豈據所在以改岳祀乎
藏寺也元曰龍興康熙乾隆中發帑重修改今名殿高十
二丈五尺銅佛高七丈一尺宋開寶初重鑄有

純廟御製碑文亭觀櫺比勝於蘇省之元妙觀年久多圯
修葺須十餘萬金無再新之機矣寺右有洋教堂極高大
佛與耶穌皆西人也後來居上又佛所不及料歟

正定歧路

附

府東南九十里晉州四十里新集二十里東鹿縣三十

里磨頭集

深州南

四十里衡水縣六十里隆化鎮

景州西南

五

十里劉智廟

山東界

二十里德州接運河衝途矣

府西

北四十里行唐縣四十里楊家莊三十里赤岸鄉

曲陽縣西

十里王槐鋪五十里阜平縣三十里鞍子嶺四十里龍

泉關踰長城嶺

入山

三十里射虎川

五臺山麓

十五里金剛

庫二十五里萬緣菴二十里獅子嶺十里獅子窩

繁峙縣南

四十里巖頭三十里峩山口三十里漳沱河十里代州

三十里雁門關七十里桑乾河

山陰縣西

東北行五十里尙

希邨四十里懷仁縣三十里武州河四十里大同府

正定西南有達河南衛輝府路

詳五月十五日記

十三日發正定興隆寺 四里出南門

門名同陝省東門

五里漳

沱河

詳初三日記

寬約半里久旱水淺車馬徑過

吾鄉地平流緩水常盈槽

非舟不能渡幼時觀輿圖以爲天下水皆如此讀孟子以
其乘輿濟人於涿洧句大疑之問人亦莫能解迨遊歷北
地始知北方之水除黃河外多夏盈冬涸漲則結滯奔騰
淺則揭厲可過始恍然於乘輿濟人之事又如高平曰原
始以爲邱陵耳後乃知關中之原有廣踰數百里者又
南人以流水爲川而秦人呼平地曰川南人以汪洋千頃

者爲湖而陝甘人呼沮洳多草者爲草湖
天下事皆須閱歷而知此其小焉者也
十里柳林鋪

十里飯於趙陵鋪獲漢文帝修南粵王趙佗先冢在鋪東

二里府志云尉佗先冢在府西北稱趙陵者佗也在獲鹿
東元和志趙佗墓在石邑北十三里余按佗卒南粵

葬在禹山十里安舍鋪 十五里海山嶺踰土山 五里獲鹿

縣鎮甯住東關旅店計行五十九里晚小雨知縣事曠縣

陳立齋本 獲鹿戰國中山石邑漢常山郡石邑縣城西南

真定國縣曼縣地縣後廢晉復石邑北齊改爲井陘隋復

故屬恆州分置鹿泉縣於今治唐改獲鹿宋以石邑省入

屬真定府 太行山在縣西山由懷慶之北亘山西澤潞

之東直隸廣平順德之西又北接恆山夏間出河內經太

行南今則抵其東麓矣

十四日陰進獲鹿東門 一里出西門素波貫渠層峯環
道殆抱嶺山也 五里土門口太平御覽引隋圖經韓信
山又呼土門口元和志卽井陘口述征記山首自河內有
八陘井陘第五新唐志故井陘關一名土門關然史記正
義謂井陘故關在石艾縣東十八里井陘口元和志井陘
故關在廣陽縣東北八十里井陘縣志言古井陘口有二
東則土門西則固關 八里仰字嶺井陘二里下安邨 八
里上安邨山徑深委有林泉之趣 八里白石嶺卽東天
門車行繞避此險 十里下坡至微水邨爲淮陰侯背水

陣處飯後渡微水土人稱淤水

微水邨爲三水所經北曰治水又名澤發水甘陶河

綿蔓水桃河自井陘城下來邨南曰柏川又南曰沽河均出平定州至此合流北大溝沱

五里長岡

五里橫口 五里張邨 五里西河鋪卽郝家邨渡山澗

五里東窰嶺漢田叔故里班史稱爲古烈士者也 五

里井陘縣

陘山驛

知縣事常熟言應千家駒

井陘漢井陘

縣燕趙謂山脊曰陘下視如井李左車說陳餘曰井陘之道車不得方軌騎不得成列者也縣東北有陘山西北有大臺山鳳皇山驛路在城外綿蔓水東有大石橋半圯進城必渡河水湍急以巨木縱橫水際聯繩於岸木端施機渡舟繫繩一端挽而過 十里板橋邨路旁石橋在平地

名長虹住天成店計行八十二里上下山坡迴旋曲折覆

車二有折軸者二鼓始到齊入山後氣候驟涼燕晉之交東起獲鹿

西抵榆次首尾四百里四天門亘其間素號險途光緒

十年大加修築然巉岩峻阪無處無險行旅仍有畏心

望日陟降山中 五里長生口 五里龍窩寺傑閣棲崖

五里桃園鎮井陘五里直隸山西界牌距保定省垣四百

五十里吳橋至此行直隸境一千三百五十八里內安陸至保定

水路八百八十三里吳橋山西平五里踰北天門定州峽內卽

舊關一名故關唐長慶初裴度出承天軍故關討王庭湊

今有承天鎮屬井陘在故關北二十里一名娘子關因如

女祠而名隋圖經以妬女爲介子推妹 二里甘洵驛

三里固關卽明史新固關守禦千戶所路出山峽民舍衙署高懸絕壁憑險易據巖嵒成關地屬山西官屬直隸署固關參將湖南陳渭濱飛熊 十里槐樹坡 十里固驛鋪 五里柏木井 十里登西天門覆車一 五里下坡爲百井驛多頑石金史陽曲有百井鎮此爲東百井 三里青玉峽路出深溝勢同釜底蓋柏川之原石上多泐小心山水山腰間有石室均題行人避雨此處四圍高山夏秋暴雨山泉匯注驟難逃避也 七里橋頭邨

平定住三慶

店計行八十里購草料甚艱農民苦旱

十六日陰自橋頭西行 十里石門口山境幽峭 十里

西郊鋪 二十里平定州已正進東門 二里出西門聞

知州爲上海人葛士達 平定州春秋晉地漢爲太原郡

上艾縣後屬常山郡晉屬樂平郡北魏改爲石艾縣隋屬

太原郡唐改廣陽宋改平定金升州州東五十里浮化山

天遠竈河汾燕間錄謂是開煤之始余按湖北鄖陽竹山

縣西有女媧山俗亦謂煉石補天處又按史記五帝紀無

女媧氏補天乃列禦寇荒唐之詞而淮南子司馬貞三皇

本紀引之或曰女媧所補者乃天地儀器如洛下閭之渾

天儀張衡之地動儀也細玩列子語氣煉五色石以補其

闕斷鑿足以立四極其工氏與顓頊爭爲帝怒而觸不周

之山折天柱絕地維六語當是列子以前舊有之說而物

有不足故天傾西北地不滿東南等語當是列子附會其

革之說蓋當日以儀器爲帝王傳授之寶其工因爭之不

周之山天柱地維鑿足皆儀器之類故以石補闕儀器有

而壞之女媧補之本璿璣玉衡之類故以石補闕儀器有

黃赤道之別故又煉五色石也斯言雖武斷亦新奇可發

五里踰南天門卽黑沙嶺 五里義井驛就荒店造飯驛後

有通州城土路甚平坦客車多經南天門之險蓋土民無車乘驢行客見途無轍跡疑非踰山不可土民惑於風水願修山路不肯導人行坦途深可怪也 十里平潭鎮趙

簡子故城 十里塞魚邨唐武德八年移受州治此 十

里新興鎮平潭以西沙中碎石零星又名星星灘前年曾築隄以利行人今被水冲損聞南山之麓可以闢路 十

里測石驛故樂平縣地現屬平定孟縣借此設驛孟治在

驛北七十里春秋時仇猶國韓非子智伯所滅又爲晉大夫孟邴

邑漢爲太原郡孟縣北魏廢隋復知縣事安徽項子林則

齡遣僕接住行館計行九十二里

十七日陰西行

十里新店

平定

十里張淨鎮

壽陽

十里芹泉

驛

孟縣壽陽

泉有二爲桃水別原

十里高家坡過此水皆西

南流

十里壽陽縣進東門知縣事江甯陳理堂守中

一里憩於行館

家君因保定雇來轎夫不無倚身多事

悉遣之託沿途州縣代雇本地人自己給價逐程更易雖

有上站轎夫混充在內較爲安靜食後行

一里出西門

十里黃門鎮

十里大樹堙在高坡上有小市集

十

里清平鎮

二十里皆升降山坡至太安驛

壽陽

宿旅店計

行一百有二里

壽陽春秋晉馬首邑

縣東南十五里

漢屬榆次

縣晉始置壽陽縣屬樂平郡永嘉後廢北魏改漢大陵縣

今文水東北爲受陽隋改受陽爲文水於晉壽陽城置受陽縣

唐武德初置受州貞觀中廢州改縣曰壽陽壽水於縣西

南會黑水

出縣西山

入洞渦水洞渦出故樂平縣西陡泉嶺

西北流經平定壽陽會黑水又西入榆次境會大涂小涂

源渦水四水合流故曰同過後譌爲洞渦又西南至徐溝

縣入於汾

壽陽民初不知木棉之利明末米脂藍君知縣事令民種棉召民婦入署使夫人教之織利乃

大興按三代以上績麻爲布詩所云溫麻溫管是也夏書

卉服乃島夷所貢舊唐書婆利國南史林邑高昌等國皆

出古貝花可緝布俗訛爲吉貝宋元間始盛於中土民情

樂趨簡易雍幽諸地自有木棉而蠶桑失傳官吏勸辦屢

興屢廢推原其故蓋有七難木棉易生隨處可栽而種桑

必平地沃土燥溼得中且有修剪鋸接捕蟲諸勞其難一

育蠶自浴種至上簇晝夜調護如撫嬰孩勞苦三旬紡織之功尙不在內北人好逸不樂爲此其難二蠶性喜潔且多避忌南方水鄉塵土較少養蠶必於靜室不敢高聲呼喚尋常言語多所忌諱雖屬婦孺之見亦足徵愛護之情無微不至北方塵土飛揚家有煖炕焚以馬矢房室隘陋濁氣薰蒸人則日啖葱蒜其難三吾鄉市鎮稠密貿易便利收購者不必縲絲紡絲者不必織繒栽桑者不必育蠶桑葉每百斤售錢一千或二三千牟利較易北方則種桑飼蠶煮繭抽絲紡織必徧爲之方可彌之於市其難四蠶桑一事也而竹木銅鐵之具甚繁吾鄉則一器一工列肆而售取求甚便而紡者織者理經緯者各有專工男婦業此者祇須習一技耳北方種種不便其難五吾鄉務蠶桑者比戶皆是有獲利亦有虧蝕然皆年年爲之北人求食其利一經虧蝕難圖再舉其難六南人無論貴賤多衣綢帛北人服飾較儉商販不多未易得利其難七蠶桑之難數倍木棉屨興屨廢職是故乎昔左文襄令新疆官吏創辦蠶桑歷浙民六十人爲考首司其事者欲誇成效輦新疆綢帛至京師以爲榮實則漸絲至新疆織之者也旋因費絀停止所雇浙人漂泊不得歸近年平定李菊園先生任陝西布政勤課蠶桑惟學織皆男子非婦女爲之不

能持久要之北地多宜桑須有小康之家肯耐勞苦者數
百戶爲之倡率之官必久於其任二者皆不可得與其
勞費無成莫若致力於種棉織布較易推廣北省無棉之
地尙多種棉亦可興利當此民窮財盡爲貧民謀事宜擇
工本輕者爲之今聞司牧者或徒羨蠶桑之美名令
民間受胥吏之實禍自焚其桑以求安靜者有之矣

十八日早發見驛西有新修韓文公詩亭碑泐公使王庭

湊時次太安所作詩旁刻安化陶文毅所題七古一首意

態雄傑途中憩宿處行人輒塗鴉滿壁可謂不惜字矣西

行又漸高 十里西嶺鋪 十里要羅鎮壽陽有要羅山壽

水所出 十五里什貼鎮榆次造飯各車換軸駐候兩時

七里三岔口北抵太原東通燕薊西達關隴故名距山西

省城六十里 八里腰店 二十里王胡鎮有驛知榆次

縣事恩子嚴恩端遣人接住行館計行七十里 榆次西

北卽晉之魏榆後屬趙漢置榆次縣自漢以後皆屬太原

縣城在驛西南十里省城在驛西北五十里 山西境內崇巖疊嶂絕少

平原田多在山種皆梁黍民食不足仰給燕秦舟楫難通
轉輸尤滯偶有饑饉難免流亡且儉嗇之風變爲簡惰樂
器粟之易售廣植惡卉丁丑之設餓草無算至今元氣未
蘇村市貿易因銀色難辨不喜銀而喜茶漿等於菽粟水
火痼習深錮
甘心自弱

山西北路及西北路

省城臨汾驛北行三百六十里出古雁門城 卽廣西北

八十里朔州二百三十里朔平府二十里殺虎口一百

里和林格爾廳五十里托克托廳五十五里綏遠城 將

駐西行五里歸化廳距省九百里其東有通直九十里

畢齊克齊六十里博拉克齊一百里薩拉齊廳九十里

包頭鎮在黃河北岸川舟逆流而上可運七十里黑兒

腦包以下皆蒙古地六十里烏喇特西北七十里烏拉胡同八

十里烏蘭板升一百八十里莫兒古檢梁七十里烏蘭

烏蘇五十里竹拉克濠賴八十里賀拉烏蘇六十里木

雷滾六十里鄂爾哈以上在河套北約二三百里五

十里白彥善丹九十里布賴卯朶七十里賀拉套拉孟

七十里博爾沁北通土謝圖汗路南距甯夏約千餘里七十里拉克圖八

十里迭列蘇七十里章毛烏蘇七十里討勃其有山圓形距歸

化城一千六
百九十里
一百二十里達拉孟七十里古欽七十里

圖布濟八十里哈布塔克六十里和洛圖七十里洪果

領七十里朝腦索倫古兒八十里布格帖爾六十里莫

敦鄂博

屬三音諾彥部南
距涼州千餘里

八十里哈喇尼丁七十里蘇

吉七十里察汗布拉九十里呼都克貝爾八十里賽胡

同五十里西尼烏蘇七十里紅土門七十里甲高胡圖

六十里小托雷六十里干善莫多

又名紅綽爾南八十
距肅州千餘里

里庫林匝布

又名夾
拉孟

一百三十里甲會七十里俄農鄂

博四十里明安子山

一名哈勒金達坂
又名沙拉胡素

七十里哈拉迭

里六十里札木善丹

在阿濟鄂
博山下

四十里明岡

又名哈
沙土六

十里柳樹泉五十里乾湖子九十里老爺廟向西南一

口二十里炭窑上九十里三塘湖西南距鎮西行八

十里天生川七十里白墩子六十里專金七十里鍋底

山六十里蔡子地七十里鄂龍吉九十里黑山頭九十

里芟芟湖九十里三箇莊八十五里新疆古城子卽奇臺縣

距歸化城四十里
七百三十五里

十九日寅由王胡鎮西南行 十里郭邨 十里南谷邨

十里張慶鋪有佛廟順華整有明正德時碑載引涂水灌田事 十里永康鎮

十五里界牌榆次徐溝 十三里徐溝縣城外飯知縣事歷城賈

少穆成霖兼攝祁縣今日赴祁接印 徐溝春秋晉塗水

今縣南二十里屠賈邨

梗陽

西北五十里清源鄉

漢晉屬榆次隋於梗陽置清

源縣金於縣屬徐溝鎮置徐溝縣歷元明均屬太原乾隆

二十八年廢清源縣入焉徐溝古稱涂溝大涂

出榆次東南八縛嶺

小涂

出榆次東南應山西入大涂

經流其地後謫涂爲徐城內有同戈

驛洞渦

自榆次合徐水入境

之謫也

縣南有達河南懷慶府路詳五月十二日記

飯後西

行十里高花邨

十里堯城舊稱姚城有堯廟俗傳堯

自涿鹿徙此

十里羅邨

徐溝

八里左東鋪

祁縣

八里賈令鎮

市廛極盛昔賈辛爲祁大夫民德之因名

十里沙河鋪

卽賈令河也

八里祁縣驛

賈令

城外有溫嶠故里碑

志稱城北三里

爲舅犯故里

進北門住行館計行一百三十二里知縣事馬棧

材存樸調署文水

祁縣春秋祁吳食邑

元和志祁縣開喜縣並有祁吳

慕東南八里有古祁城以近昭餘祁藪

今縣東得名的

漢志

有昭餘祁水經注鄆城泊在祁縣西元和志泊在介休東北或以爾雅云燕有昭餘祁疑不當在太原

漢始

置祁縣屬太原郡

宋徙郡治陽曲縣宋以前皆治晉陽縣今太原縣也在徐溝北四十里帝堯夏

禹始都之成王封叔虞於此爲唐侯子燹改爲晉而太鹵

太原太夏太城晉陽太康六名實一地此徐堅初學記之說也今本元和志晉太原大鹵大夏夏墟平陽晉陽六名

其實一也按此說平陽二字蓋後人鼠入又大夏太原大鹵夏墟晉陽六名實一地此馬氏通考之說也顧亭林

左傳杜解補正曰春秋晉都翼今翼城縣括地志故唐城在翼城西堯裔所封成王滅唐封大叔北距晉陽七百餘

里卽後世遷國亦遠不相及況霍山以北皆戎狄悼公以後始開縣邑史記叔虞封唐在河汾之東翼城正在二水

東晉陽在汾西疑唐叔之封至侯緡之滅並在翼又華城記言穆侯時晉境未至介休閻氏潛邱割記辨之無甚精

意不足以折服顧氏全謝山經史問答曰括地志唐城有

二一在晉陽北二里是太原之唐城一在翼城西二十里是平陽之唐城史記唐叔封河汾之東則當在平陽張守節亦主此說若太原則在河汾西矣故亭林疑在翼也但變之改晉以晉水自在太原詩譜明曰穆侯遷絳則史記河汾之東未可信而平陽亦有唐城者蓋既遷之後不忘其故而築之如後之故絳新絳耳至於晉自唐叔以後靖侯以前年數且不可考其中必累遷而至翼必非一徙而相去七百餘里也亭林於括地志唐城引其一遺其一稍未覈也

二十日卯出祁縣西門

十里高城鋪

志稱晉都邑左傳

箕都余按是時晉都絳秦師安能越過晉都深入至此則都必不在祁縣也

十里鄭家鋪 十

里洪善邨

平

遙十里仁內鋪

十里平遙縣

洪善

進下東門

城東有惠濟橋橋左道院豐碑文甚奇有云始而訛吸焉人笑之既而為躍剛人領之不著書撰人姓名碑陰有劉漢題康熙壬戌僞二里憩於行館介休縣吳大令兼攝平陽傳真山撰并書

遙事午往城東電局寄信城內闌闌櫛比屋宇堅緻有坊

題古陶勝境

縣人雷文
山來晤

秦漢太原郡平陶縣故城在今文

水縣西南北魏諱太武嫌名改平遙徙此唐以後屬汾州

志稱堯初封陶卽平遙保廉按堯年十三封於陶改國於

唐十七踐帝位

路史

陶今山東定陶縣

說文陶上有堯城堯
嘗所居後漢郡國志

濟陰郡定陶縣
古陶堯所居

唐今直隸唐縣

漢書地理志中山唐縣堯
爲唐侯國於此皇甫謐帝

王世紀張氏史記正
義劉昭郡國志並同

或云在霍州

孔氏唐風疏引臣瓚漢
書音義唐今河東永安

又云堯居唐東去堯十里水經汾
水注亦引之永安卽堯今霍州也

堯爲帝都太原晉陽後

遷平陽

康成詩譜
及郡國志

或云堯以唐侯徙晉陽及爲天子都平

陽

詩譜正義引
皇甫謐云

或云堯爲天子都陶

尚書序陸
氏釋文

謂堯居平

遙者不知何據蓋古帝所都不務觀美土階茅茨隨遇而
安巡方所憩後人思慕德澤輒指爲帝都云 平遙南城

二門曰上東上西上東城北隅俗傳有尹吉甫將臺臺南

卽吉甫墓

直隸南皮縣西三十里亦有尹吉甫墓

城東七里漢京陵縣故址

俗以爲周伐玁狁所築京陵皆後人傳會也

余按詩薄伐玁狁之太原

在雍州境玁狁侵至涇陽逼近京邑安得逐之於冀州太
原乎後漢西羌傳穆王西征犬戎遷戎於太原此太原明
在畿西周語宣王料民於太原若冀州太原久屬晉國王
何由料其民乎顧亭林郡國利病書以今固原州爲伐玁
狁之太原又謂太大二音本午後出上西門城西十二里
殊朱子註詩誤以大爲太云 中都故城春

秋晉

西南行

二十里永甯堡

卽橋頭邨一名陳邨

十里田堡

介休五

里郝家堡繞堡外行 三里張蘭鎮西門外住行館計行

九十里鎮係磚城市廛亞平遙

古稱張難唐初太宗敗宋金剛於介休追至張難堡

二十一日秋分

二十里義安邨有稻田邨南望見洪山

縣志稱狐岐山卽禹貢治梁及岐之岐非也

保廉按偽孔傳謂梁岐皆

雍州山蔡氏疑之而以離石之呂梁山爲梁介休之狐岐爲岐皆在冀州胡融明雖指駁之謂二山去河遠引曾岐曰壺口梁岐施功同時不可分言於二州故并言於冀將文肅地理今釋齊次風注疏考證均從之沈果堂尙書小疏復駁雖指申蔡說謂呂梁山爲岐去河雖遠龍門未闢時河水東滾嘗受其患故治之也按蔡氏所云狐岐說者皆謂在今孝義縣西一名薛頡山宋熙甯中省孝義入介休故蔡氏云在介休今介休境實無狐岐又按崔述唐虞考信錄云梁岐果雍州山經必不載之冀州況雍之岐山與河何涉蔡傳駁之是也然取水經注之呂梁山當之在離石東北二百餘里距河遠矣況注自有雍州梁山與偽傳同而介休狐岐亦非河所經夫詩詠梁山云維禹甸之卽禹貢之梁山明甚然則當在韓地其後韓滅於晉故爾雅左傳皆以梁爲晉山水經注謂卽龍門者近之但不當又云

在河西焉翊耳蓋誤以陝西韓城縣爲古韓國因謂梁山在河西不知詩云韓侯入覲則韓乃畿外諸侯左傳云秦伐晉涉河三敗及韓晉侯曰寇深矣則韓乃晉之近郊韓既在河東梁山安得在河西乎唯岐無可考然山多同名雍荆之荆梁徐之蒙兩書於經烏得謂冀州不復有岐乎蓋二山跨河在雍冀界上阻塞河流又當在壺口之下利害不在雍故記於冀古今山名更易梁又崩頽五里湛泉難辨要之經傳具在不得以他地之山冒之也

鎮十五里東石門三里漢郭林宗墓前有漢槐甚巨

中抱享堂西列鄭谷口傅青主所募蔡中郎碑文兩石後

郭太傅蔡邕曰吾爲碑銘多矣二里介休縣義棠進東門

皆有懶德惟郭有道無愧色耳

一里過介之推郭林宗合祠介左郭右

廊下有明萬歷中按察使泰和

郭子章重募蔡伯喈分書碑縣令王稍西有文潞公祠飯

正己刻石石側有子章題跋亦占雅

於行館知縣事烏程吳書年匡介休春秋晉隨縣及鄆

地東北左傳土彌漢太原郡界休縣晉改介休屬西河國

北魏屬西河郡後周爲介休郡隋廢此據隋地志按元和

云周宣帝改爲平昌縣隋開皇末唐初曾置介州貞觀中

廢以縣屬汾州志稱縣南有千畝原宣王三十九年戰千

預言介休南有千畝也按史記宣王十二年不修千綿

畝則千畝爲精田當在畿內與晉之千畝爲二地也

山城東南二十五里南跨靈石西跨沁源午後行二里

出西關五里內封鋪五里西石門志稱縣西南十二

處按左傳史記無介推被焚之事後漢書周舉傳太原俗

以之推焚骸一月寒食顧氏左傳杜解補正曰之推既隱

求之不得未幾而死乃以田祿其子耳楚辭九章云思久

故之親身兮因縞素而哭之明文公時之推已死史記云

上自此左依綿山石沿汾水行徑隨嶂曲亦幽亦險

汾水出焉

武南管涔山南流經太原府西南經汾十里冷泉關

靈石古

州霍州平陽絳州西至蒲州入於河

前明有關今廢

二十里兩渡

崔鼠谷水經注稱數十里險隘者也

鎮住店店屋以磚作橢圓而方其外無木柱堅不畏火謂

之樞密晉俗多此計行九十八里

鎮東綿山有介子廟多古樹俗稱神林有唐碑

禁人募拓廟多田產邑人爲之經理生息每年所入甚巨
專爲香火費及春秋祭賽演戲之用有餘復買田此外雖
水旱賑費不能通融噫介推何人而以商賈之道待之鬼
神有知走避不遑矣日知錄曰翼城有綿山萬泉亦有介
山定公六年趙簡子逆宋樂祁飲之酒於縣上自宋如晉
不經介休則子推所隱不在介休靈石境內又左傳杜解
補正曰綿上又見襄十三

年定六年疑是近絳之地

二十二日發雨渡鎮西亦有橋跨汾上仍傍山循水行俯

視遠渚煙波縹渺 十里索洲鋪 二十里水頭鎮有小

水出綿山興地峪北入汾 一里靈石縣瑞石驛食於南關

古廟知縣事雲南李廉石延恩 靈石本介休境隋開皇

幸此得瑞石文曰大道永吉因置靈石縣今石在城北呂祖廟高五尺蒼

黑似古銅鐵字已磨滅石面東自水頭鎮折西行卽見南有碑勒乾隆時知縣事虞文綬所作頌屬介州

西河郡唐屬汾州元屬霍州縣城甚小門窄不能進車綿山在治東四十里高峯曰屏

峯石有樂室俗傳晉銅樂盈處 十里坡底邨上坡寄嶽 十里韓信嶺古

名高壁宇文周建德五年齊師敗於晉州退守高壁周主

邕向高壁齊師遁隋仁壽末漢王諒遣其將趙子開據高

壁楊素令諸將以兵臨之自引兵潛入霍山緣崖而進馳

出子開之北子開大敗汾霍之間以高壁爲重險焉嶺上

有韓侯墓俗傳漢高自代還經此呂后殺韓信送其首至

因葬焉說近傳會封此一抔土或可爲千古驕將壘旁有廟及

店鋪二十餘週一法國人華裝自陝甘遊歷東旋山川夷險諒亦記之詳矣四里天險橋高跨

深谷一名郭家溝有新修武廟及避雨之屋至此下坡土石十

五里仁義驛靈石住店旁有行館環驛皆山韓侯嶺之險亞

於四天門兩車折軸覓匠修理遣人以燈往二鼓始來計

行七十里

二十三日自仁義鎮南行十里逍遙嶺紆迴而上五

里老張灣霍州界五里白水邨仍緣山椒十里師莊

十里周邨行土峽中多陡坡 二十里霍州北關

鳳棲橋有鐵牛

而汾水猶荆州江

一里半飯於行館知州事德佩九德生

計之九鐵牛歟

霍州周霍叔故國

州西六十里

晉滅之後爲先且居封邑名

霍人及呂甥邑

西南十里

漢爲河東郡龍縣後改永安魏晉屬

平陽郡隋改霍邑縣置汾州改呂州州廢屬臨汾郡唐屬

晉州宋屬平陽府金爲霍州 一里半出南門望見霍山

在州東南三十里禹貢太岳今爲中鎮南接岳陽趙城北

接靈石東接沁源唐虞及周均以太岳爲中岳

周禮冀州鎮霍山漢

地志稱霍太山

閻百詩曰詩崧高維嶽謂崧然而高者是四嶽非

以太室爲嶽而名曰崧高也後人撰爾雅指崧高爲中岳

史記從之漢武易太室曰密高人遂忘太岳之實爲中岳

矣

詩正義高大曰崧又嵩與崇古字通崇山卽嵩山見周語注崔述唐虞考信錄史記封禪書以岱衡華恆嵩

爲五岳按四岳惟岱見於經無可疑者華山大而道近或當不誣若衡獨遠使諸侯涉數千里往會不近人情禹貢以霍山爲太岳春秋傳亦稱四岳爲太岳則太岳似爲四岳之一北岳未必果恆山也增嵩爲五岳尤爲無據克典但四岳春秋傳四嶽三塗陽城太室太室卽嵩高則岳止四而嵩之非岳也明矣此蓋秦漢方士之所指目

五里壇底鎮過氐水厲王所奔又西皆升降山中元和志所

謂呂坂矣

十五里辛置鎮稍平

五里界牌

霍州趙城復治

水依山路曲如摺扇

十里入一土溝勢甚陡斜兩旁高

坡日已暝黑暗無所覩

五里出峽抵石橋蓋卽密子鎮

也縣役以火來

五里趙城縣進北門

二里住南關後

車尙遠雇人以燈往二鼓到齊計行一百一十里知趙城
縣事慈谿王子敬年丈輯熙 趙城周穆王封造父地爲
趙氏之始春秋趙簡子邑漢屬彘縣唐分霍邑置趙城屬
晉州宋政和初以趙氏始封地改爲慶祚軍金復曰趙城
元屬霍州州東有女媧墓按山東濟甯州山西永濟縣均
有女媧墓或有媧氏國非一君
故冢墓不一歟今定
例祭女媧陵於趙城

二十四日雨自趙城南行 十里王開鋪 五里高低村

山徑窅隆名如其形過國士橋題豫讓遺跡趙城洪保廉
洞交界

按史記刺客傳正義曰橋在晉陽縣東一里水經注太原
城東汾水上舊有梁青并殞於梁下豫讓死於津側呂氏

春秋襄子遊園中至於梁馬卻不前使青荊往視豫讓佯死青荊曰子行大事而我言之失友道子賊吾君而吾不言失臣道乃自殺時襄子居晉陽其園不應遠在趙城則豫讓所伏橋在太原明甚趙城太平及順德府之豫讓橋皆屬傅會 五里苗邨有石坡東南爲九箕山有峯如箕者九霍山南支也 十里洪洞縣普潤驛東關 一里住西

關行館計行三十一里署縣事甯波鄭介三景福 洪洞

周楊侯國

東南

後爲晉羊舌氏邑漢河東郡楊縣楊縣之楊宜從手旁

漢書楊雄傳揚在河汾之間

魏晉屬平陽郡唐初改洪洞取縣北嶺名

入晉境後至洪洞始平坦

趙城以南皆於汾水旁引渠灌田汾水之東則引霍山諸泉洪

洞頗沾其利丁丑大被受害亦輕沿途
見農家以缸蓄糞亦勤於穡事之證

二十五日甫入洪洞北門 一里出南門 一里瀾河橋

其南曰洪崖 九里左壁邨又南有皋陶墓舊有皋陶故

里坊誤也史記夏本紀正義引帝王紀曰皋陶生曲阜括

地志咎繇墓在壽州安豐南故六城東集解引皇覽曰皋

陶冢在廬江六縣

唐安豐今安徽壽州西南晉六縣今六安州北地相接也

新唐書宗

室世系表皋陶下數至唐諸世均與洪洞無涉又按班固

地理志秦之先曰柏益爲舜朕虞曹大家列女傳注以伯

益爲皋陶子說者多從之

高誘呂氏春秋注康成詩譜陸德明音義孔穎達詩疏書疏張

守節秦本紀正義邢昺論語疏顏師古云柏益一號伯翳王伯厚困學紀聞謂

柏翳非伯益金仁山

通鑑前編

謂伯益卽柏翳非皋陶子閭百

詩

四書釋地又續

駁金說謂益翳一人卽皋陶子言皆甚辯毛西

河

經

辯其爲二人皆非皋陶子引陳杞世家

柏翳之後封爲秦垂益夔

龍其後不

夏本紀

皋陶卒封其後於英六或在許而後舉益任之政

諸說持論較

精崔東璧辯之尤確

唐虞考信錄謂尙書孟子稱益未冠以伯國語稱伯翳史記作柏翳未有

徒稱翳者左傳於列國最好溯其先世獨於秦無一語班氏何所見而知柏翳之爲益也禹之佐非一人虞之職亦不止調馴鳥獸秦本紀采之秦史未必不附會焉身人言信耶否耶如何據此文而遂以柏翳爲益以益爲伯益也若謂班氏不誤將朕虞亦果爲官名乎禹爲鯀子尙書春秋傳大戴史記皆言之益果皋陶之子何以傳記絕無言及者乎劉向列女傳尤爲紕繆五歲佐禹必無此事況向但言陶子何以見其當爲皋陶之子朱子蔡氏知其妄故不之采今反用議議人之無識何至於此又云庭堅非皋陶字文五年賦文仲曰皋陶庭堅不記忽諸似六夢兩

國之祖一爲臬陶一爲庭堅夏本紀臬陶之後封於英六
不言墓似六乃臬陶後墓乃庭堅之後正義因杜氏之說
遂謂英卽墓恐未然也堯舜禹天子尚書皆稱名唐虞之
時未有字臬陶何以獨字典謨稱臬陶多矣從未有稱庭
堅者何所見而知又按唐高祖爲臬陶後人新唐書臬陶
庭堅爲臬陶乎

理以官命族爲誰謂刑官無後耶刑期無刑臬陶之德薄
理氏後改李

矣十里楊曲鎮

鎮南有孫曲稍西逾汾水有杜戊邨

十里羊獬鋪有坊題

羊生獬處按王充論衡曰

是應

魃魮者一角之羊性知有

罪臬陶治獄其罪疑者令羊觸之

淮南子注魃卽獬

信如斯言臬

陶之智反不如羊乎

五里天井邨飯

五里韓邨韓武

子食邑

臨邨

西南溝上邨有丹朱墓

直隸望都縣及彰德府東均有丹朱墓

十里高河春秋晉高梁也東望卧虎西望姑射

十里平

陽府倚郭臨汾縣

建雄驛

進北門

三里館於武廟旁

廟極宏壯

計行六十四里署府事丹徒周石君天麟署縣事長沙李

荇仙壽芝

平陽府堯舜所都夏亦爲畿內周爲晉地成

詩譜叔虞封唐子燮改晉成侯南徙曲沃穆侯徙絳孔氏

正義曰穆侯以後恆都絳昭侯以下又徙翼及曲沃武公

并晉復都於絳也又按景公去故絳遷新田杜注與莊二

十六年之絳爲一邑未確曲沃今聞喜東北翼今翼城東

南三十五里絳今太平南二十五里當絳州之北新田今

曲沃南二里史記言武公始都晉國獻公始都絳者蓋武

公居絳仍舊貫獻公始作新城也府東卽晉平陽邑

昭二十八年趙襄子滅國

分屬韓魏漢屬河東郡魏晉爲平陽郡

劉淵潛都嗣後或

州北魏兼置東雍州後改唐州又或郡

北魏平陽隋初平

州改晉州隋唐五代宋均晉州

或郡河後臨汾唐天寶

初平陽或軍五代梁定昌軍建南

宋政和中改平陽府

東

宋因之

軍後唐及宋建雄軍

路元曰晉甯路明曰平陽府臨汾縣漢魏晉迄後周均

平陽縣隋改臨汾縣

姑射山府西四十里其南支曰平山迤邐至府西南平水出焉太平御覽

隋圖經曰平山一名壺口

府志謂平水一名晉水誤也余

今名姑射元志說同

府志謂平水一名晉水誤也余

按詩譜孔氏正義引臣瓚云

唐國在永安皇甫謐云唐國

在平陽而斷之曰此二說詩之

唐國不在晉陽煖何須改

爲晉侯唐在晉陽是也蓋穎達

確知晉水在晉陽故決言

之又按漢地志晉陽詩唐國

晉水所出平陽在平河之陽

水經注汾水於晉陽受晉水於

平陽合平水括地志新唐

書地理志始謂平陽臨汾有晉

水於是叔虞始封之唐太

原平陽互爭不已不知左傳定

公十三年有晉陽爲趙氏

邑昭公二十八年有平陽爲羊

舌氏邑後屬魏氏二地皆

以水得名相去甚遠安得云晉

水在平陽乎倘平陽有晉

水則顧亭林晉國始終在翼之

說幾無疑義矣

欽定春秋傳說彙纂曰叔虞封

唐在今翼城蓋纂修諸臣

未詳考耳江慎修春秋地理考

實謂彙纂之說未知何據

今因論晉水而謹訂之

府志城東七十里郭行里有帝

堯陵保廉按兩漢地志均謂堯

陵在濟陰郡成陽縣裴駘

辛卯侍行記卷二十

三

上八

史記集解引呂氏春秋劉向皇覽皇甫謐諸說張氏史記正義引括地志諸說皆以成陽爲是今山東濮州也裴駰晉人如堯陵在晉境何不一言及之歟今定例祭告堯陵於濮州而山東東平山西平陽各有堯陵皆不遣使祭告仍令有司致祭乾隆四十五年侍郎錢載奏稱堯陵應在平陽不應在濮州奉

上諭該侍郎奏稱堯呂不韋門下客浮說之譌夫呂不韋卽無足取亦尙不可以人廢言況其門下客所著之書所謂懸之國門千金不能易一字者豈毫無足據乎其時去古未遠或尙有所承述今欲以數千年後虛揣之詞遽行翻駁有是理乎水經注稱成陽城西有堯陵者實道元當時所親見該侍郎轉據爲辨證九屬自相矛盾

二十六日發平陽武廟 二里出南門門內有碑題倉頡

造字處志稱城西南趙邨有倉頡故宅保廉按直隸南樂縣西亦有倉頡墓造書臺河南開封府東山東壽光縣西陝西白水縣北皆有倉頡墓路史謂倉頡葬衙縣利鄉亭

則白水是也

偽孔安國書序謂庖犧氏造書契司馬貞羅

恆四體書勢曰黃帝之史沮誦倉頡曉彼鳥跡始作書契

則黃帝時作書者不獨倉頡一人也余按易大傳以書契

易結繩在黃帝堯舜氏作之後則書契當起於黃帝時然

庖犧畫卦實爲書契始基天地文明之運有開必先固不

必指定某人在

志云府西南鄧子坡爲伯道棄子處亦傳

某處造字也

會也余按晉書鄧攸襄陵人石勒以攸爲參軍置營中過

弟早亡理不可絕我後當有子乃繫兒於樹而去後至江

東仕至尙書無子緩服喪三年據此則伯道棄子處明不

在平八里岔口三里堯廟邨堯廟後寢殿墟堯及堯后

陽也

像兩廡有稷契皋陶配位右爲舜廟左爲禹廟毀於兵方

重修大戴記帝繫篇堯舜禹稷契皆黃帝之後司馬遷皇

王符潜夫論五德篇謂帝嚳爲伏羲之後其後爲后稷堯

爲神農之後舜爲黃帝後禹爲少昊後契爲顓頊後少昊

爲神農之後舜爲黃帝後禹爲少昊後契爲顓頊後少昊

爲神農之後舜爲黃帝後禹爲少昊後契爲顓頊後少昊

顓頊不出於黃帝堯不出於舜則可解同姓爲婚之惑
歐陽文忠帝王世次圖序其略曰孔子於書斷自唐虞至
於三皇五帝世次皆未嘗道以其遠而慎所不知也司馬
遷上述黃帝以來又詳悉其世次不量力而務勝宜其失
也今依其說圖而考之堯舜夏商周同出於黃帝堯下傳
其四世孫舜舜復上傳其四世祖禹而舜禹皆百歲稷契
乃同父兄弟以其世次下之湯與王季同世湯下傳十六
世而爲紂王季下傳一世爲文王是文王以十五世祖臣
事十五世孫紂而武王以十四世祖伐十四世孫而代之
何其謬哉歐陽氏後序又云據諸說堯壽一百十六歲舜
得舜試之二年使攝政時舜年三十居試攝過三十年而
堯崩服喪三年乃卽位在位五十年而崩方舜在位三十
三年命禹攝政凡十七年而舜崩禹服舜喪三年乃卽位
在位十年崩是當堯得舜之時堯年八十六舜年三十推
而上之堯年五十七已見四世之元孫生一歲矣舜居試
攝及在位過八十二年以禹壽百年推之卽位及居舜喪
過十三年又在舜朝八十二年過九十五年當舜攝試之
初禹纔六歲舜爲元孫年三十時見四世之高祖方生六
歲則諸家世次壽數之說聖經所不著者皆不足信決矣

崔述上古考信錄春秋傳黃帝以雲紀炎帝以火紀其
工以水紀太皞以龍紀少皞以鳥紀自顓頊以來乃紀於
近夫自黃帝至顓頊中間四五代各有制作則顓頊與嘗
距黃帝遠矣烏得以顓頊爲黃帝孫譽爲黃帝曾孫哉傳
云十六族者世濟其美以至於堯夫高辛高陽氏子孫至
堯時已傳數世烏得以堯爲高辛之子高陽之從孫也哉
果如大戴所記堯於舜之高祖爲昆弟安得以女妻舜縱
使上古禮制未詳然堯舜皆聖人必不爲亂倫之事且不
告而娶萬章疑之若以近屬爲婚何萬章孟子反不置一
言其世數參差歐陽子已言之烏得謂堯舜禹同出黃帝
哉惟舜出於顓頊春秋傳當言之於陳言舜及於顓頊不
及黃帝則以顓頊爲不出於黃帝也於范氏言陶唐而不
及黃帝則不以堯爲出於黃帝也國語牽連數姓以爲同
一祖固已誣矣然所稱黃帝之後十二姓有祁而無姚有
姬而無子姁猶未以唐虞三代爲皆出於黃帝也自楊墨
竝起好大言稱黃帝以求加於堯舜禹湯文武爲黃帝子孫以
子誣孔子爲老聃之弟子堯舜禹湯文武爲黃帝子孫以
見儒者所推崇皆吾師之末流也大戴本戰國以後所撰
司馬氏崇黃老不足怪獨怪漢晉以降自命爲聖人之徒
者不知凡幾皆以爲實惟歐陽子不從邪說而宋以來編

古史者猶沿其謬尤可怪矣又唐虞考信錄曰大戴記
稷契帝堯帝摯皆帝嚳子不然也書稷契皆至舜世授官
若稷果嚳元妃之子則嚳之崩稷少亦不下五十歲又歷
摯之九年堯之百載百六十歲矣契此時當不下百數十
歲有是理乎堯兄弟有兩聖人不知用四岳不之薦舜
然後舉之尙何明之明而側陋之揚哉唐虞以前未有父
子相繼爲天子者黃帝之子顓頊之子皆不繼摯非賢聖
何以獨繼嚳而帝傳云少皞摯之立也鳳鳥適至則摯本
少皞氏不但堯與稷契非嚳之子卽摯之繼嚳亦未必然
也大戴云高辛聰明執中則亦賢聖之君乃其立後不於
稷之嫡又不於堯之聖獨取庶而不善之摯立之乎曰然
則堯何以有天下曰經固言之克明俊德九族既睦平章
百姓柳子厚所謂智而明者所伏必眾聚而爲羣德又大
者眾羣之長就而聽命於是而諸侯就而聽命天下會於一
萬邦柳子厚所謂德又大者諸侯就而聽命天下會於一
是也上古人情淳厚慕義嚮風者爲多不必盡藉先業否
則義農黃帝又何所藉而得天下哉使堯果傳之於父兄
則當世守之丹朱不肖廢而他立可也舜雖大聖如伊尹
之於太甲可也孟子曰子嚳不得與人燕子之不得受燕
於子嚳父兄之天下堯安得專之哉漢儒誤信戰國無傳

之說載之於史致王莽假以篡嬰曹操假以篡獻卽令嬰
獻果禪其臣亦不可受漢之天下非嬰獻所得專也使莽
操得託於禪讓者漢儒考古不詳有以致之也 上古考
信錄史記帝繫立不善崩弟放勳立爲帝堯帝工世紀小
變其說謂少皞在位八十年其後顓頊七十八年帝嚳七
十年摯九年造唐而致禪按國語少皞之衰九黎亂德顓
頊受之是顓頊與少皞不相及也高陽高辛氏至堯時已
數世是堯與二代不相及也上古帝王交會之間皆常有
數十百歲如春秋之霸者然安得相繼爲天子哉蓋說者
皆以後世例之誤以爲相承不絕不知上古天子無禪無
繼有聖人出天下歸之而謂之帝聖人既歿其子孫降爲
諸侯數百年後復有聖人出天下又歸之自唐虞夏天
子相繼而天下之局一變少康以後又一變至周又小變
秦漢以下則又大變學者知上古自上古虞夏自虞夏商
周自商周則經五里大韓鋪韓康子邑 七里鄆里邨襄
傳之文了然矣

五里靈伯鋪西北距襄陵縣十里晉郤犇邑

郡國志晉武公自曲沃徙

此蓋其地

近絳故云漢河東郡襄陵縣

有晉襄公趙魏晉屬平陽郡襄子墓因名

十里張林鋪其北有辛店南有趙曲堡皆蕭索矣 十

里荆邨自此升坡東望箕山西帶汾水

十里史邨驛

太平

飯邨北有坊題巢由洗耳處志稱襄陵東南三十里三交

水一名巢溪又名潁水爲巢父洗耳處旁有土阜名箕山

蓋史邨接襄陵故好事者建坊也

巢許事見莊子皇甫謐高士傳互有歧異洗耳

係許由事屬諸巢父者誤也按張守節伯夷列傳正義曰許由山在洛州陽城則今河南登封縣也而近志禹州有箕山許由隱窟直隸之行唐縣有箕山洗耳溪許由隱山東濮州東有箕山許由故居山西平陸東北有箕山清澗洪洞縣九箕山有洗耳泉秦瓢池遼州東有箕山許由冢附會多矣唐虞以上君多賢聖勒苦亦百倍於後世體制簡樸恐尚不如今之士司堯既年老以求賢自代爲安許由輩御而不受無非欲自得其樂在當時不足爲異論者昧於上古情形震驚乎後世帝王之尊榮遂以此事爲大奇試思巢茅茨土階之居相授而令宵旰憂勞於無窮誰

樂之乎後代森雄之動生觀過史邨後入山峽 十里閭

店又有豫讓橋

辨計二十四日記

坊題古義士橋閣店西距太平

縣三十里太平漢河東郡臨汾縣

故城在今縣南

魏晉屬平陽郡

北魏析置泰平縣後齊以臨汾省入後周諱泰改曰太平

今縣隋改平陽爲臨汾而漢臨汾之名泯隋以後屬絳州

明屬平陽府

姑射山在縣西九原山在西南

十里蒙城驛

曲沃

小堡也喬山

下有蒙坑舊稱險道過文中子故里碑按王仲淹隋龍門

縣人今絳州河津縣也

中說十卷其子福郊福時所述是公武郡齋讀書志俱遺容齋隨筆

王伯厚困學紀聞均言其妄宋

咸以爲實無其人亦言之過當

十里新店 十里高顯鎮

曲至此得平路住德盛店計行一百里

鎮北有天井橋鼓堆水一名合水出

東陘山西
流入汾

二十七日寅發高顯 十里楊邨 十里郭馬鋪 十里

侯馬驛東距曲沃縣三十里知縣事天津高峻峰凌霄來

接憩於行館

驛西北十餘里翠金山有翠石上有臺驛廟下爲臺神邨曲沃縣卽晉新

田

景公自絳遷此亦謂之絳故址在縣西南二里西三十里五里有汾水南五里有汾水虢邨宮址在侯馬西南元

和志虢邨宮在正平縣南六里正平今絳州平侯馬邨

漢屬河東絳縣晉爲平陽郡

絳邑北魏析置曲沃縣屬正平郡隋以後屬絳州明屬平

陽府

今之聞喜古曲沃也今之曲沃古新田也邑人李廷寶作辯曰今之沃卽桓叔之沃詩從子於沃從子於

鶴

注鶴曲沃邑今沃南十里有安鶴邨證一太子申生奔新城卽曲沃今沃城有太子祠墓城北有太子濫閭喜皆

無證二左傳新田土厚水深有汾澮以流其惡今澮在沃南汾在沃西故通考以曲沃爲晉都新田今聞喜去汾澮

遠證三度隴記亦載之不知絳州志早駁之矣略謂史記
索隱國語韋昭注兩漢及晉地志皆以聞喜爲古曲沃新
田卽漢之絳縣北魏始置曲沃非古曲沃也舊志亦曰晉
新田而李廷寶以今沃爲古沃就其明者辨之其第三證
以證今沃卽新田是也然旣指爲新田又欲證爲古沃合
成一地則晉人當云復都曲沃何言遷於新田耶故都水
土晉人早知之何待獻子之言廷寶欲以通考之曲沃爲
古沃失馬氏之意又自相矛盾他證亦類此無俟余之贅
也知曲沃縣湘潭張和五作志以侯馬爲新田猶可也古
古城爲曲沃今治爲新城余按以侯馬爲新田猶可也古
城在澮水旁與水經注所云晉曲沃在諫水旁者不符
舍古書而騰新說安得起晉大夫於九原以斷之耶午
後出驛堡過澮水橋明三原馬理撰孟姜女集序楚地澮
赴長城之役姜送寒衣經侯馬南澮河水漲叵十里史店
濟手拍南厓而哭澮爲之淺有手跡數十云

五里驛橋邨路復窄

五里隘口左倚絕巘右臨深谷

仄徑圯損架以樹枝而加土焉車行有戒心

東爲郝家山西爲峨嵋山

皆絳山之支絳山在縣南十餘里
太行之支也縣南有紫金山產銅

五里梨園邨喜堡額題禮元居民僅數家出堡卽蘭德鎮

大穀之後無人煙矣 五里牌坊邨俗稱兩家牌樓道右舊木坊

題裴晉公祠卻不見祠屋道左大石坊碑題宋豐公趙鼎

云云殆趙忠簡故居在此歟 五里問店 十里東鎮住

店計行八十里鎮東北董澤舜賜董父參龍左傳董澤之蒲志云在此余按名勝志引水經注曰潁

水東逕參龍城古參龍氏之邑今本無此語
寰宇記參龍城在臨潁縣西四十里

二十八日自東鎮西南行 五里川口陳水經此夏秋多泥淖 五里

馮家莊 十里儀張邨卽十里舖有碑泐郭璞讀書處景純好爲人占

禍福反不免已身之禍世之偏信
術家者盍思修身俟命之旨乎 十里閭喜縣陳川入東

門知縣事侯官陳藻丞景墀

聞喜卽晉之曲沃

今縣東二十里

成侯自晉陽徙此

今本漢書作武公自晉陽徙此者傳寫之誤孔氏詩譜正義引此作成侯可證

也後又徙絳徙翼昭侯封桓叔於曲沃武公滅晉後以此

爲下國

亦曰新城

秦爲河東郡左邑之桐鄉漢武帝經此聞南

粵破置聞喜縣今屬絳州

縣東五十里三嶼山南六十里湯山產銅皆中條之支也飯

後出西門有橋題涑水關鍵

水經注涑水逕左邑縣故城南故曲沃詩所謂從子於鵠

者也據此則曲沃在左邑故城而鵠與曲沃新城爲一孔氏正義以鵠爲曲沃旁邑

十里宋店十

里郭店南望雲際衆峯起伏皆中條也

起蒲州雷首東接太行南抱芮城平

陸北跨安邑臨晉袤數百里隨地異名

五里夏縣界牌

十五里水頭

夏縣卽

涑水鎮南渡石橋過司馬溫公故里碑夏縣在鎮南三十

里

禹都安邑故城在縣西北十五里

漢屬河東郡安邑縣北魏分置南安

邑屬陝州河北郡後周改爲夏縣

其西仍爲安邑

今屬解州七

十里稷王山俗傳后稷始播穀處下有蛇虎

關后稷始生棄此皆妄言也后稷生於郃十里汾口有南

赴運城路

謂郃瑕氏之地沃饒而近監者也河東道兼管

鹽務及解州州判均駐運城

十里升坡爲王范邨

安邑

西有蔡倫墓碑後

漢官者傳倫桂陽人造意用樹膚麻頭敝布魚網爲紙封

龍亭侯注曰未陽縣北有蔡倫宅春紙曰龍亭今陝西洋

縣也洋縣志稱城內有紙坊十里將軍廟有小市集一名

街城東三十里有蔡倫墓

十里張邨十里北相驛一名相里鎮住店計行一百

二十里

平

鎮西距安邑縣三十里夏王畿也戰國初爲魏

都

後徙大梁

秦置安邑縣爲河東郡治北魏改曰北安邑爲河

北郡治隋復故今屬解州或云禹都不在安邑

洪頤煊禹都考據孟

子趙岐注及史記謂禹避商均於陽城諸侯去商均而朝禹禹遂卽天子位世本言禹都陽城尙書序湯伐桀戰鳴條夏師敗績湯從之伐三股孔安國傳三股國名桀走保之桀自安邑東出太行涉河遂奔南巢孔穎達不知其謬爲之疏云安邑有鳴條陌昆吾亭昆吾在衛來安邑助桀故同日亡而安邑有其亭也不知漢地志北海郡平壽注應劭曰故圯尋太康與桀皆居之竹書帝癸由斟尋遷河南疑卽禹陽城故都三十一年商征夏克昆吾戰鳴條桀奔三股商征三股戰於郟獲桀於焦門是桀由鳴條奔三股欲退保斟尋故都蹤跡甚明終夏世未都安邑也皇甫謐謂禹都安邑書傳反與之合足見偽古文尙書出於皇甫謐之一證竹書禹元年居陽城今本反改作居冀以就金鷄禹都考曰世言禹都安邑誤始於皇甫謐帝古文耶鄭道元憎水注因之近洪氏頤煊謂禹都陽城然所考猶未詳竊疑禹都有二史記禹避於陽城諸侯去商均朝禹於是卽天子位陽城今河南登封縣也陽翟則今禹州漢地志曰禹國是陽翟爲禹初封之國而陽城爲禹都之證

也然定公四年祝佗謂唐叔封夏墟則禹都卽唐國漢志云在晉陽今山西太原也康成詩譜云魏國舜禹所都之地魏近唐故云哀公六年傳云惟彼陶唐有此冀方服虔謂堯居冀虞夏因之此皆禹都在河北之證但在晉陽不在安邑耳謂禹止都陽城何以解左氏及服虔之說乎汲郡古文舜卽位居冀四十九年居鳴條帝禹元年居冀此有脫誤當云帝卽位居陽城至遷都晉陽乃書居冀也又考鳴條在陳雷舜自河北遷河南禹自河南遷河北事相反而相類余按洪金二說謂安邑非禹都然康成詩譜魏國虞舜禹所都之地孔氏正義云境內有其都魏不居其墟也魏今解州芮城縣東北距安邑一百二十里距晉陽一千五百里今謂魏近唐者非也康成意蓋以安邑爲禹都而魏近之耳正義引皇甫謐云禹都平陽或安邑或晉陽是謐未記夏本紀集解引謐云禹都平陽或安邑或晉陽是謐未嘗專指安邑竹書紀年太康居斟鄩帝相徙商邱又居斟灌左傳衛遷帝邱成公夢康叔曰相奪予享則相又都帝邱也竹書又云少康遷原帝杼遷老邱帝廙居西河桀由斟鄩遷河南周書度邑篇武王曰吾將因有夏之居遂營洛邑括地志洛州鞏縣西南故斟鄩城桀所居也路史太康爲羿所距遷於陽夏然則陽城晉陽平陽安邑斟鄩斟灌

陽夏商邱帝邱原老邱西河南十三或云禹非顓頊裔
地皆曾爲夏都猶殷商之有十七遷乎
崔述夏考信錄上古天子不相繼而帝顓頊至堯其世蓋
遠史記謂其相繼然帝嚳在位七十五年帝摯九年則顓
頊之崩下至堯之七十二載舜受終時當百五十七歲而
顓頊之殛乃在堯七十二載以後舜安得爲顓頊之子哉惟
漢志謂顓頊五世而生鯀事理較近然傳記無所見恐亦
臆度是禹斷非顓頊之孫而亦未必果顓頊之裔與其誤
信而誣聖人何舜未嘗以天下授禹唐虞考信錄堯之禪
如姑闕之乎
位後但記其詞岳咨牧命官考績而禪禹之事未有一言
及之則舜未以帝位授禹明矣典以記事謨以載言典猶
春秋謨猶訓誥舜果授禹以天下當載於典不當載於謨
今典不言而禹謨反有之是僞撰尙書者昌於俗傳之言
而補之耳烏足爲據哉孟子帝使其子文自官事舜將胥
天下而遷之又曰舜受堯之天下不以爲泰獨於舜禹未
有一言及其授受者又曰堯以不得舜爲已憂舜以不得
禹皋陶爲已憂於舜之得人以禹皋陶並稱則舜禹之事
與堯舜之事固不得而同矣蓋舜崩後諸侯皆歸禹皋陶
稷契讓於禹禹辭之不獲謙不敢陟帝位姑稱王以鎮撫

之不然堯授舜而舜帝舜授禹禹何不帝而王也哉曰舜
不以天下授禹則聖不逮堯且將授之商均乎曰天下者
天下之天下非天子所得而予奪者也唐虞以前天子各
自以德服之不強身後之天下使之從一人也惟堯以洪
水未平舉舜代己若舜之世洪水平矣生民安矣禮樂興
矣無待於人之終其身沒之後聽天下自歸於有德可
也不必挾天之天下自授之人以示恩也且堯之使舜攝
政其年已老而舜始三十有二故以後事屬之若禹年與
舜相近舜沒甫十年而禹歿舜安知己之必先禹沒而預
以後事屬之哉堯之大臣賢者莫如四岳堯已讓之而辭
其驩之屬無可與舜肩隨者故舜之禪無嫌焉若禹皋陶
稷契夔益之倫其年與名位相埒雖禹之功德亦比肩伯
仲卽舜獨拔禹而授之恐禹亦未必受也堯之禪舜特也
舜之未嘗禪人常也自古天子皆然者也後人見商周之
繼遂以爲自堯以前亦然見舜禹之相繼遂以爲堯傳舜
舜傳禹禹何以獨不然由是傳賢傳子之疑紛紛於世故
必明於舜禹之事然後禹未當家天下
論者皆云二帝
啟之事可以迎刃而解禹未當家天下
官天下三王家天下唐韓子對禹問云堯舜之傳賢也欲
天下之得其所也禹之傳子也憂後世爭之之亂也按此

說以後世之時勢論之則常矣以此爲聖人之心事則非也經傳多以堯舜並稱而禹常與皋陶稷契同舉禹之德未必與堯舜齊也益佐禹烈山澤益之德未必遠下於禹也今因堯舜禹相繼爲天子益不得與遂謂禹爲其人而益非其人毋乃以成敗立論也哉度禹之心必不以益爲非其人也禹果處其爭則尤不可傳子唐虞之天下非一姓之天下禹獨欲傳之子天下必有議其私者矣不見吳光之弑僚乎傳弟不爭傳子則必爭此理甚易見禹安得以傳子爲憂後世哉啟之再傳羿澆之禍民生塗炭王嗣流離使益再傳而得賢或未必至是安見傳賢之不若傳子乎曰然則禹何以傳之啟曰孟子之言是已天與賢則與賢天與子則與子禹以益爲相禹之事畢矣禹崩之後天下之歸於益歸於啟或不歸益啟別歸於有德諸侯禹不得過而問之上占天子無以天下傳之人之事義農黃帝皆若是而已後人見商周天子世世相繼遂以例虞夏以爲天子必以天下授之一人以啟之繼禹而王也於是陽傳之益而陰傳之啟卽尊信聖人如韓子者亦但以爲禹憂後世之爭說雖不同其失聖人之真則一也且啟繼禹而王僅一世耳太康失國相居帝邱夏已降同於諸侯有

辛卯侍行記卷二

陸

上三上川

過之難厥祀遂殄適非混淫暴而少康能布其德天下復歸於夏藉令少康僅中材或先有聖人出滅羿稟以安天下則少康不得中興矣少康之興禹之所不料也又幸而村能帥禹天下歸於夏者先後四世其間干天位者皆以惡終天下之人安於夏政若天下乃夏之故物者雖庸主撫之諸侯懲於羿羿不敢生心然後夏遂家天下孟子曰莫之爲而爲者天也及至有商繼世而王已有成跡其後甫衰卽有賢聖之君出而振之由是家天下六百餘年至周遂爲定例三代之家天下其端萌於啟其事遂於少康杼其局定於商之賢聖六七君與禹初無涉也故凡論唐虞三代之事者惟安邑西接解州有分雲嶺爲中條最高孟子得其梗概

處西北三十里爲鳴條岡

趙岐孟子注謂東夷之地書序湯與桀戰於鳴條夏師敗績遂

伐三股郡國志濟陰定陶縣有三酸亭鳴條常與相近孔穎達引或云陳雷平邱有鳴條平邱今直隸長垣縣境近山東定陶縣豫州東境也僞孔傳帝王世紀謂安邑西有鳴條陌崔述商考信錄略謂湯誓曰夏罪其如台使桀果嘗囚湯商民安得曰夏罪其如台乎又曰夏王率割夏邑是桀之政不行於諸侯也使桀爲天下其主則當云割

萬方豈但割夏邑而已乎又曰舍我稽事而割正夏使桀與湯有君臣之分商民何不以大義責之而但言舍稽細事乎商頌曰受小球大球爲下國繇旛是湯未伐桀時已受諸侯之朝覲湯果臣於桀安得晏然受之以桀之暴雖無罪猶囚之況受諸侯之朝安能容之哉既力能囚湯豈有聽其坐大而不問哉蓋三代封建與後世郡縣之法異而夏當家天下之始又與商周不同孔甲既衰諸侯復叛漳顧昆吾迭起夏之在天下若一大國然但一二小弱諸侯畏其威耳是以湯之受球受共伐韋伐顧安然無疑桀亦聽之而不怪諸侯本不臣屬於桀也其說甚辯

舜

陵在岡陽高三尺廣四十餘步贅以贅多古柏

運司新志

今定

例祭舜陵於湖南甯遠縣

漢零陵郡營道縣也南有九疑山史記舜南巡狩崩於蒼梧葬

於九疑戴記檀弓篇謂舜葬蒼梧者漢書武帝紀注九疑山半在蒼梧半在零陵也墨子舜葬南己之市御覽作南紀呂氏春秋舜葬於紀沈約竹書注云舜所葬之鳴條蒼梧在海州薛季宣曰蒼梧在海州近莒之紀城路史注紀卽冀河東皮氏縣有冀而安邑舜陵亦令有司防護然孟

亭與鳴條安邑相近

而安邑舜陵亦令有司防護然孟

子云舜卒鳴條疑葬在北不在南韓文公黃陵廟碑司馬溫公史劄皆駁蒼梧之
非羅泌路史有舜冢辨其略曰帝紀言河中府有舜冢謂
葬蒼梧者自漢失之康成遂以鳴條爲南夷地蘧矣蒼梧
在虞夏乃無人之境舜已禪位何復巡狩於要荒外乎當
考象封有庠故墓在始興其餘支庶封於巴陵上虞西域
池陽懷戎衡山長沙無錫故其墓或在江華或在巴陵上
虞也帝舜之墳在在有之蓋殊方異域爲墳土以致哀敬
九疑之陵或弟象所爲耳否則商均窆也大荒南經蒼梧
之野舜子叔均所葬九疑山記商均窆其陰後世或以商
均墓爲舜陵耶崔述唐虞考信錄堯典之記巡狩至四
岳而止蒼梧荒服舜不當遠涉於此孟子之說近是戴記
本多駁雜史記采之僞傳因而附會皆不足信蒲州府
志府東南蒼龍峪有舜陵及二妃墓或云蒼梧疑蒼龍之
訛舜南巡狩卽西巡朔巡而
歸如崩於蒼梧書何不言耶

二十九日由北相鎮西南行 十里喬陽邨安邑猗氏之

間多棗林赤實垂珠綠陰成幄平疇遠嶂偶露樹間 五

里入猗氏縣境

十五里牛杜鎮飯

郡志作油杜

猗氏在鎮北

八里夏猗氏國也

河圖括地象

周郇國地後屬晉今縣西十五

里爲晉令狐

見文公七年

南二里爲王官

文三年王官在虞鄉南二里

又云在閭喜南十五里史記正義引括地志同州澄城縣

蒲州猗氏縣皆有王官故城秦伯濟河焚舟取王官則猗

氏是也

西北爲廬柳信二十四年

漢爲河東郡猗氏縣

郡國志嘉處瑕在

縣東

隋屬蒲州徙縣於今治

五里香樂鎮

十五里祁

任邨

五里水頭塘近涑水

猗氏臨晉

交界

十五里樊橋驛

住行館計行七十里

平垣

臨晉縣在驛西北十五里知縣事

休甯夏眉生慎大

臨晉縣周郇國後屬晉

東南十八里爲晉之解梁

漢以後屬河東解縣北魏分南解北解隋改桑泉

今縣東北唐

辛卯侍行記卷二

四

上八

更臨晉屬蒲州

按郇詩書風郇伯勞之鄭箋云郇侯文王子爲州伯孔疏曰知郇爲侯者定公四年

傳祝熊言文王之子

惟曹爲伯僖公二十四年傳畢原鄆

郇杜注解縣西北有

郇城漢晉解縣在今臨晉縣東南而

元和志云郇邑在猗氏

西南四里者蓋猗氏與臨晉接壤

處也漢猗氏在今猗氏

南二十里水經注涑水逕猗氏故

城北又西逕郇城

服虔曰郇國在解縣東郇瑕氏之墟也

桓公九年荀侯賈伯伐

曲沃水經注古水出臨汾西北魏

以前臨汾縣今絳州

東北境也又西南逕荀城荀與郇異

郇在今臨晉東北十五

里荀在今絳州西十五里而陝西

三水縣爲漢之枸邑

又郇縣唐初曾稱郇州或亦以爲郇

國水經注涑水自解縣

故城西南逕瑕城晉詹嘉邑也

顧亭林顧復初皆以

臨晉之瑕爲郇瑕

氏地詹嘉所處乃河

外之焦瑕在河南

三十日由樊橋西南

行相傳樊橋爲司空圖故里圖隱居

於十里椿陽鋪

十里七級鎮十里古城屯

解梁也其南爲五姓湖

二里信昌鎮食於荒店民居稀

少堡東額題東信昌

度隴記誤作信昌

古屯田之所信昌屯名也

屯官裴姓故土人呼爲裴堡頭

地南成鄉縣有麻堡頭鄉爲西信昌兩處至今尙納

屯

十里高市

十五里呂芝鎮

十五里寺坡底

山上普教寺有

塔

卽坡底鎮

鎮東有土峽長里許出峽有坊題有虞故都

住行館計行七十二

里鎮西五里卽蒲州府倚郭永濟縣

河東蒲州協烏驛

烏爾爾知府事靜海杜友坡崧年知縣事靜海崔子方同紱

蒲州府古蒲阪

卽河曲府東南五里

舜都周爲魏國地

故城在芮城縣北

後屬晉秦漢魏晉爲河東郡

均治北魏兼置秦州嗣後或

州

後周隋唐初

或郡

後周隋大業唐天

或軍

五代梁及宋護國軍廣成

軍

金

唐開元乾元五代宋金

或府

天德初元均河中府

國初因明制以蒲州屬平陽府雍正六年設蒲州府 永

濟縣漢以後曰蒲坂縣隋改河東縣始爲郡治明廢

國朝雍正六年置永濟縣 舜都蒲阪或言平陽或言潘

潘上谷也

舜本紀集解引皇甫謐云

括地志潘今鵠州

今直隸宣化府懷來縣

古

文潘作番讀若鄱

漢地志注潘音半反

與濮蒲聲相近或因濮蒲二

州有舜故事而訛傳於潘歟 歷山潞洩在府東南百里

水經河水注河東郡南有歷山舜所耕潞洩二水出焉又

輪轡東北有虞原原上道東有虞城所謂城於虞者也按

虞今府東南虞鄉縣孔氏書疏潞水在虞鄉歷山西舜居

其旁括地志亦云在河東縣又云濮州越州鵠州皆有歷
山舜井皆云舜所耕處未詳也保廉按歷潞雷澤與地家
紛爭無定要之虞國在冀州境大舜慕親阮摯號泣于田
則耕稼陶漁之地不應越在他州若陶城邨在府北三十
悻悻然遠適異國何能克諧以孝耶

里河濱

水經注蒲阪西北有陶城舜陶河濱處皇甫謐云在濟陰定陶縣張守節云舊州濱河括地志河東

縣北也

或云府北有諸馮邨孟子舜生諸馮東夷之人也

舜都也

堂孟子正義曰青州諸城縣有馮山馮村若河東之虞本

舜祖虞幕之封書稱虞舜猶後人稱祖籍標郡望耳保廉

按孟子之意諸馮距岐周千有餘里今蒲州至岐山七百

里古尺短約言之謂千餘里耳諸馮雖不能確知所在然

必不遠至青州海濱孟子所云東夷對岐周西夷而言猶

之陸賈新語謂大禹出於西羌文王生於東夷也國語以

虞幕竝稷契左傳史趙曰自幕至於瞽瞍無違命書曰虞

舜曰嬖於虞則瞽瞍爲虞國之君舜爲虞公子可知矣瞽

瞍初欲殺嫡立幼舜避於畎畝耕稼陶漁三年成都象稱

之曰都君而往入其宮是舜所居仍與虞近虞今蒲州虞

鄉縣諸馮疑在虞境若河南歸德府虞城縣乃禹封舜子

處括地志所云宋州虞城舜後所封也絳州志云垣曲縣

北六十里有瞽塚山相傳瞽瞍葬處東北四十里有諸馮

山卽舜所生其東爲歷山保廉按垣曲東北接澤州之獲

澤墨子有舜漁獲澤之說則垣曲之諸馮山實非無稽垣

及漢澤蒲阪漢時竝屬河東郡陶唐之世或爲虞國東鄰

西去岐周適千餘里以此當舜生之諸馮較蒲州揭邨尤爲近似史記舜冀州之人也正義曰蒲州河東縣又引會稽舊記曰舜上虞人去虞三十里有姚邱舜所生也顯野王以越州餘姚縣爲舜後支庶所封舜姓姚故曰餘姚縣西七十里有漢上虞故城按三代上稱河者皆黃河未有以尋常小水爲河者舜若爲越之上虞人去黃河絕遠安得陶於河濱則餘姚中條在府東南十五里俗名筆架上虞當從顧說爲是

山委蛇而東抵安邑聞喜數異其名雷首山在府南三十

里大河之北隋圖經歷山九名謂歷山首山薄山襄山甘

首中條歷山首陽蒲山襄山甘首陽山雷首之南阜在府

南偏東五十里有夷齊廟俗稱二賢祠土人訛爲二仙猶

杜拾遺之爲十姨也按馬融注論語始以蒲阪首山爲夷齊隱餓處而史記伯夷列傳張守節

正義及前漢王貢傳顏師古注引夷齊所餓首陽有五處皆斷在隴西王伯厚謂在蒲阪郡國利病書載楊恩首陽

山辯仍云在隴西四百詩四書釋地從王氏說長洲宋翔鳳四書釋地辯證徵引最博從范滂戴延之高誘阮籍鄒氏河水注諸說並僱師夷齊廟漢碑而斷夷齊所隱在河南僱師縣西北之首陽山并證莊子讓王篇呂氏春秋誠廉篇所言北至首陽一語謂是武王初但觀兵故夷齊隨行東北至洛陽將渡河克殷諫而不聽遂不渡孟津而隱首陽又大戴禮曾子制言夷齊死溝洫之間名成天下夫二子者居河濟之間云云參攷諸說似以僱師爲長光緒初元烏程施補華在左文襄幕中撰首陽山辯又斷在隴西縣渭源隴西二邑間有前明夷齊廟址道士詣省募修廟貲還山卽被盜殺廟仍未修二賢與日月爭光固不係廟之有無也或曰蒲州之首山乃春秋晉靈輒餓處崔述謂夷齊無扣馬諫伐紂事避紂故餓而歸於周論語但言餓於首陽不言餓死於首陽蓋戰國時楊墨橫議常非堯舜薄湯武以快其私毀堯則託諸許由毀禹則託諸子高毀孔子則託諸老聃毀武王則託諸伯夷太史公尊黃老好采異端雜說學者但當信論孟不當信史記

九月朔壬戌自坡底西南行 五里澗頭溝 五里薛家

巖 七里韓楊鎮

店鋪尚多均湫隘

鎮東三里有橋無水爲涑水

入河故道自河流西徙東岸淤壅洩水不暢平時農民引

以溉田雨多則泛溢爲患 五里辛店

有街道無旅舍

十五里上

源頭沿途多柿林旭日輕霜烜映有致

連日見南山若迎若送皆中條也至

此爲雷首北麓高岡平度有如列屏亦似龍基

八里常旺

七里匱河鎮

永濟飯俗

以匱河爲舜所漁雷澤乃雷首之澤也

水經沁水注引墨子曰舜漁澤應

劭曰在潞澤縣西北今山西澤州陽城縣也康成謂兗州

澤在濟陰今山東濮州東南也郡國志引周處風土記謂

舜所漁在吳郡震澤今江蘇太湖也按此三地惟潞澤較

近於虞因學紀聞引尸子曰舜漁雷澤旱則爲耕者藝洩

狩則爲獵者表虎陝西潼關協鎮額潼商道文同州府賀

天下歸之若父母

潼關同知王諸公均渡河來

越境非禮

十五里風陵渡

永濟

自平

定州界牌至此行山西境一千四百二十八里劉昫舊唐

五行志樂史實宇記以風陵爲女媧墓秦晉志乘皆從之

按馬氏通考濟州任城縣今山東濟甯州齊州趙城縣均有女媧

墓見八月二日記風陵則史記作封陵魏世家哀王十六年水經注引戴

延之風埏之說未言女媧塚鄭氏謂風陵在潼關直北或

曰黃帝臣風后所葬今路旁有風后廟顏題爲帝師三字然解州

城內有風后墓則風陵亦傳會耳古時河曲有三關在蒲

坂西朝邑境者曰臨晉關臣瓚曰秦築高壘以臨晉國故名元和志秦所築故城在朝邑

西南史記曹相國世家從漢王一名蒲津關方輿紀要謂

出臨晉關正義云卽蒲津關漢武元封六

年立今按漢書武帝紀無此文在蒲坂西南者曰風陵關唐聖恩初置唐蒲津

關在朝邑西南宋大中祥符四年改蒲津曰大慶關則在

河東明萬厯初河徙齧蒲州城闢大慶關因在河西嗣後

河復西徙故關又在河東其地仍屬陝西朝邑主簿駐焉

大慶風陵今皆無城古有蒲津橋

秦本紀昭襄王五十年作河橋正義云今蒲津

橋也北魏大統中於蒲津造浮橋唐開元中兩岸各造鐵人鎮牛以維浮梁久廢陝西設風陵

渡巡檢主船政午刻登舟挽而西者數里然後放乎中流

順水而東漸偏於南

河水自朝邑之趙渡鎮挾渭洛而下有洋洋之勢潼關當河曲之南塹山

爲城仰之彌高水經注潼激關山一語深悉形勢矣

十里泊潼關北門外登岸陝西

里住關內行館計行七十八里

內水程十里

潼關廳商爲定國

路史國名紀商後在渭水南

周桃林西境秦爲陽華

呂氏春秋

郭氏述征記去潼關三十里

九截之一漢建安中始置潼關在今城東南隅晉隋皆因之隋大業初遷於今城

東南唐天授初分華陰置潼津縣始徙於今城後廢宋置臨潼

軍治鄭金曰潼關元因之明設潼關衛萬厯中駐同知

國朝雍正四年改縣乾隆十二年改撫民廳屬同州府潼水

卽古渡水穴南垣入城出北門達河潼關衛志稱潼水發源於四川梓潼誕謬可笑衛志撰於康熙時迄未敘修潼關述南秦嶺諸山直接商州秦嶺懸崖疊嶂中仍多間道近關三十里曰禁嶺禁溝舊設十二連城已久頗廢說者謂守關必兼守禁溝蓋有鑒於黃巢李闢陷關皆由禁溝故也按同治五年捻逆張總愚由關鄉西竄斯時潼關無恙而西同各屬均被騷擾稽之於古秦晉交兵則出臨晉漢高入秦則由武關守全局者自不當專顧一隅

潼關歧路

自關南至龍駒寨山路三百二十里分八站秦嶺嶺黑

章鋪紙房溝柴峪溝

淮南境

照樹溝遊方坪蒼龍嶺龍駒

寨

在商州東南一百有五里

由寨東南至河南荆子關水次二百八

十里分七站華王廟武關試馬寨黨家店青山小嶺關

商南縣南

荆子關以上每站四十里

恩施饒公子維前知同州府時籌荒

政每站設一局各雇役百名負米五斗重七十斤日行四十里遞相轉送山間尚可行驛每驛歇二百斤

自武關東南行四十里清油河五十里商南縣四十里

青山九十里胡邨

河南

八十里浙川廳九十里韋散集

湖北

九十里樊城

距武關四百八十里里李官橋三十里

黨子口西六十里均州

一百二十里郎陽府

又浙川小

自龍駒寨舟行順丹

路六十里火龍觀六十里均州

水而東南七十里湘子灘六十里竹林關

山陽縣東一百有四里

七十里江西溝

卽武關河南四十里

清油河俗呼撥油河

八十里釣金崖

商河南爲四十里荆子關

河南界自龍駒寨至此亂山夾

時十里數灘一灘數曲尋丈之外高下迥殊

澗石如劍奔流若沸角以絳行水淺易膠夏秋間雨多翻漲

淹沒篙不及底狂瀾推舟觸石碎裂然舟運較便於車

驟故商艘樂行之惟宜避夏秋盛漲之時今年家君

捐銀五百兩知商州事李素龍駒寨收稅委員馬紹訓

茶商朱昌琳合捐銀五百餘兩繼險灘四削巨石十九

修綽路三千五百一十二里

浙川廳水淺沙多一百二

百二十九丈

十里李官橋

豫鄂交界六十里

小江口自此入漢水逆

陽至陝西興安府僅通

順漢水東南六十里老河口

小舟較龍駒寨路尤險

縣南以下岸闊水深俗一百八十里樊城其南卽襄陽

呼襄河夏日漲難行

白二河可以小舟達河南之南陽府宋李忠定論天

下形勝在襄陽又云襄鄧皆可臨幸陸桴亭謂都襄陽

辛卯寺行記卷二

五

有七便余按不得已而議陪都擇南陽襄陽安陸之間
據江漢上游可出戰艦較關中不通舟楫者逆勝數倍
巡幸由運河達江較一百三十里宜城縣二百三十里
之道陸亦稍便也

安陸府二百里沙洋鎮

荆門州東

三十里多寶灣

京山縣西

一百

十里澤口

潯江縣北

一百九十里仙桃鎮

沔陽州屬

一百九十里

漢川縣一百八十里漢口鎮

距龍駒寨二十里一百六十里

九月初二日寅自潼關西行

六里滿城鋪

華陰

雍正初建

城乾隆初撤

五里楊橋鋪南有金盆原泥泉水出焉

水經

注渭水又東逕定城北又東泥泉水注之則定城在泥泉之西

十里泉店鋪東南爲瑞邨

原靈應泉出焉分三十六渠溉田北入渭

十里楊化鋪

其南有朝陽山有蒲谷山蒲谷水出焉

卽水經之沙渠水北入渭以上

均循華山東麓行白雲縫淳翠岫巖嶙望見仙掌甚顯

五里華岳廟飯中庸載華嶽而不重閭百詩四書釋地曰

華與嶽爲二山下故對以二水嶽卽禹貢之岍國語名西

吳管子作西虞前漢志名吳山後漢志名吳嶽鳳翔府隴州南今制

爲西周禮豫州山鎮曰華胡牘明曰杜氏謂其雍州山鎮

曰嶽爾雅河南華河西嶽皆並配對舉則中庸可知矣姚餘

邵二雲爾雅正義棲霞郝蘭皋四里過東平橋下爲大入

爾雅義疏別華嶽尤爲詳博華陰始見禹貢周爲畿內後屬晉戰國

爲魏之陰晉潼津華陰始見禹貢周爲畿內後屬晉戰國

屬宏北魏置華山郡隋屬京兆唐武后時更名仙掌神龍

初復故唐以後均屬華州

國朝雍正十三年改屬同州府

明萬曆迄今未修縣志

一里出西門

過駐馬橋

下爲西河卽長澗水源出蓮峰水簾洞掛瀑行騰虛直瀉山下北流會大澗至員莊入渭

行

人至此左顧華山駐馬流連焉

十里長城橋

下爲車水箱水

經注渭水又東合黃酸之水又東逕平舒城長城之北今

長城鋪西有瓦橋跨黃酸水水出獲谷有仄徑南通商雒

十里新莊鋪有良餘水南出良餘之山

五里班家莊

志云有漢定遠侯班君墓

河南府志云班君墓在邛山

五里敷水鎮南

有大敷谷稍西曰慈谷鄭氏曰渭水又東敷水注之北逕

告平城東武王伐紂告太平於此

十五里分界鋪

華陰華州

南有方山三甲山北有臺頭邨

康熙時楊樹滋居此築室曰義皇以上懷葛之民軒

其東爲葱谷水方山水所經水不常流潦則兼受華州構

峪之水

五里柳子鋪東有迎仙橋下爲構峪河

出西南構嶺

南下陽川產銅錫

東合方山河府志以爲古沈水鋪西南曰柳子

坡曰鳳居岡或稱伏氣岡

五里蓮花池宋熙寧時少華

山崩壓民居六社澗水潰湧成潭俗呼移山潭

其上曰半截山西曰

獼虎峪東曰白崖峪其下曰石子坡巨石如獼象

五里羅潭水北出爲蓮花池後人建寺焉亦曰蓮花寺

文鋪其東爲下石灘多頑石間有平地成畦杭稻夾衢鋪

南對少華正峰其麓東溪水有黨氏邨水莊風景殊常

未明

郭宗昌別墅曰沁園擅茂林修竹之勝今不知所在矣

羅文河出小敷峪北流入渭

八里太平橋下爲潭峪水一稱太平河北注渭俗傳陳

希夷至此聞宋太祖爲帝有天下太平之語因名 二里

華州

華山驛

進舊城東門

鎮

西行折南

一里進新城北門

拱住行館

額曰穆棣

計行一百十二里

華州陶唐氏之華封

夏爲蕃邑

水經注渭水東逕韓都城北故蕃邑殷契所居世本曰契居蕃關駟曰在鄭西丹水注魯連子

曰契始封商在太華之陽皇甫謐關駟並以爲上洛商縣蓋今華州商州皆古商國也

周爲畿內咸

林宣王封鄭桓公於此武公從平王東遷以此爲古鄭

州今

東北二十

春秋爲晉河外棧林秦武公置鄭縣

州志云州西南十三

里渭水北

析置武城縣

文八年秦伐晉取武城括地志鄭縣東北十三里

漢因之鄭

原下

屬京兆武城屬左馮翊後漢廢武城魏晉均爲京兆鄭縣

北魏屬華山郡於縣境置東雍州西魏改東雍爲華州西

二十五隋初郡廢州存始移鄭縣入州煬帝廢州鄭屬京兆唐復

華州垂拱初避武氏祖諱改曰太州神龍初復故額州志

西南二十三里有小張邨爲唐州城余按新唐書地志鄭縣

渠則唐故城在羅文之西北小張邨地矣元和志古鄭城

在唐州城西北三里興元初築兼置華陰郡鎮國軍宋同

羅城包古鄭於內與州志大異

復改鎮潼軍元曰華州廢鄭縣明因之

國朝雍正三年升直隸州十三年改散州屬同州府州署在高

阜上舊城明嘉靖中因唐城修建周七里有奇屈其北垣

形如凹字髮匪同匪亂後民居稀少同治七年於舊城東

南隅築新城周四里一分城南曰南溪細流入城溪旁舊

多園亭上爲少華西支古名馬嶺山今曰太平峪曰飛來

峰曰五龍山曰栲栳山山後有間道距城七十里爲

青岡坪坪南十里羽坪又十里五勝溝達雒南縣境

初三日寅發華州出新西門 二里舊西關

路南有鄭桓公墓 十

里石橋鋪橋南石隄峪水北流曰五港河合赤隄峪水出

橋下北經沈陽橋入渭水經注所謂東石橋水一稱沈水

者也

鋪東南有西溪出南山二渠竝導會於羅家邨東北入太平河西溪旁爲唐時遊春亭故地杜子美爲華

州司勳嘗遊此後

十里白泉鋪

西南有郭市俗傳隋唐舊城

五里遇仙

河水出橋峪金堆峪二源竝導北合於會同坊東北逕遇

仙橋小張邨至魏家莊入渭水經注所稱西石橋水也俗

訛稱仙石橋轉訛爲遇仙橋會同坊元中統時坊名後人

訛曰會東方邨州志遂謂邨有東方朔墓

按山東陵縣有東方朔墓 又

謂朔常遊此因名河與橋曰遇仙云

會同坊之南曰龍王原爲眺遊勝地其南

有大明高唐瓜坡三鎮皆在山間耕讀其中常有佳趣

五里赤水鎮赤水九源在渭南者四在華州者五出水之山曰箭谷曰牛耳峪曰澗峪

曰李峪眾澗競流以次相入匯於聖山之西北逕赤水鎮

又北六里入渭

箭谷諸水卽水經注竹山竹水大赤小赤灌禹諸水亂流者也澗峪之下有豐原有

江邨山水竝秀赤水遇仙諸河多沙易淤河底高於平地恆憂泛溢劉域續華州志云宜徙山農於渭北荒地悉廢山田令草木繁衍則沙不順瀦而下洶篤論也

十三里新安鋪

渭南

卽程家塘有東

陽橋跨東陽谷水上酈注云南出廣鄉原北入渭

原南曰蒹蘆峪

其東卽箭峪西爲元象山一名例獸峪王子年隱處

五里西陽橋跨西陽谷水上水

北入渭

橋南曰三娘坡又南曰小峪曰靈臺山

二里明光橋

志云北魏置南新豐縣於此

有明光峪水

其南爲龍尾坡又南爲曹峪

三里渭南縣東門

豐源

一里

憩於人和街行館渭南漢京兆尹之新豐下邳

晉屬馮翊唐宋金均

屬華州元廢志云縣北五十里爲隋以後之下邳城而秦

漢之下邳在其東南三十五里余按水經注渭水東合首

水又東得西陽水東陽水又東逕下邳故左馮翊之蓮勺

城南是漢下邳城在東陽水之東北也

地志云故城在今縣東北七十里來化鎮余按水經注白

蓮勺在金氏陂西若來化苻秦始置渭南縣今城北屬京

兆郡隋廢蓮勺柴周以渭南屬華州宋金元同明屬西安

府渭水在縣北數里自臨潼之零口入境東至赤水抵華

州界長六十餘里冬春水涸約寬百餘丈深丈餘夏秋

盛漲寬深各四倍縣飯後西行一里出襟袖門度萬里

南有神川原鳳皇山

橋渭水古首水元和志作首出石鼓山西北流與武渠小

峪峽峽水合經城西入渭長七十餘里兩旁卉

木交蔭人煙環匝邑人謂之小江南然渭水春冬則涓涓

細流夏秋則澎湃洶湧較之姑蘇澤國平波緩瀟終歲盈

盈者迴不侔也

十里廣慧寺塘卽胡邨鋪

其南有羅家城有嚴峪志云羅子陵隱於此誤

也

五里仰天坡坡在南

五里杜化鋪有杜化水

五里

成店坡

五里零陽鋪

五里零口塘

五里零口鎮

臨潼

北魏徙新豐於零水西

在今唐武后置

鴻州大足初廢水

經注泠水厯陰盤新豐二原閒北注渭

今零口北岸爲石川水南流入渭處

俗稱交口渡又北有交

十里戲河鋪水經注戲水出驪山

口鎮卽北魏之郿縣也

馮公谷

太平御覽引水經注作鴻谷東北逕驪戎城東又北注渭國語

幽王滅於戲今縣東北二十五里席邨有幽王墓兩京道

里記王與褒姒遊於此故名戲按路史炎帝後姜姓之國

曰戲則不因幽王名也

前漢書陳涉將周章入關至戲秦將章郿破之

十里新豐

鎮北周徙新豐縣於此有新豐原長三十餘里一名青原

新豐河出八里坡卽市谷水一名玉橋河北經鴻門堡入

渭 十里陰盤鋪有陰盤水

今名沙河卽鄠注之魚池水出驪山西北流逕始皇冢又

北逕新豐故城東北入渭按始皇冢在今縣東十里岳家溝

漢新豐故城在今陰盤河

西成陽坡北後漢徙安定之陰盤縣寄治焉鄠注新豐故

城東三里有坂長二里塹原通道謂之鴻門

長安志卽廷尉阿李廣處

又按北魏陰盤縣在今縣東四十里馬厓鎮西北司馬邨

魏孝明帝孝昌三年雍州刺史蕭寶實攻殺關右大使鄠

道元於陰盤驛

仁和趙一清曰道元大節無虧其持法嚴峻亦山救解扶衰魏收列之酷吏傳或索

與嫌怨才名

七里三里橋有風王谷水西北入渭 三里

用軌故耶

過臨水

一名石

進臨潼縣東北門

新豐驛

一里出南門

一

里過大地陽春坊至驪山作環園計行一百三十九里

西安

協鎮及知府以下

臨潼縣占麗國

太平御覽引後魏風土記藍田山北有媯氏谷

來接者數十人

是三皇舊居路史女媯氏繼興

周麗戎

故城在秦驪邑漢戲水西

京兆之新豐及馮翊之櫟陽萬年縣地

秦獻公自雍徙都櫟陽漢高祖始亦

都之後析置萬年縣並治焉東漢省櫟陽入萬年唐改萬

年爲櫟陽元廢入臨潼今縣北五十里櫟陽鎮爲隋唐故

城又北十二里有萬年屯又東北七里有閭

後漢增陰盤

寄治新豐北周廢陰盤唐析新豐置會昌

入改曰昭應屬京兆宋改臨潼元屬奉元路明屬西安府

三秦記始皇作閣道至驪山八十里人行橋上車行橋下杜牧之云驪山北構而西折直走咸陽者也

初四日雨登樓縱眺烟景蒼茫不啻米襄陽畫幘已刻冒

雨行泥濘

一里入臨潼南門

華清

一里出西門

永豐

過潼水

卽湯泉水北流合臨水入渭

渭自奉政原東入臨潼界東至方家渡抵渭南境長六十

里二里二里橋有石澗河 五里七里橋有水碓河出磴

子谷北入渭 三里斜口鎮有韓峪水北入渭 五里地

密子自此西至灊水皆曰銅人原

秦阿房十二銅人董卓毀其九爲錢魏明帝徙

其三於洛陽重不可致畱之灊上或云在地密郵因名銅人原石虎移置鄴宮荷堅又徙之長安毀其二其一未至

適荷堅亂陝州民棄之河

西南行

五里邵平店

咸寧

五里豁口邨有洪

慶河出臨潼西流經東林坡趙莊至豁口又西入灊 五

里灊橋屈計行蹤七度此橋矣食於行館灊水出藍田牧

護關水經注云灞水出藍田谷西北合銅谷水輞谷水塋水又北逕藍田縣又左合澧水歷白鹿原東故芷陽也漢文帝葬其上又北長水注之又北逕枳道灞橋入渭漢灞橋在今橋西北十餘里北辰社內隋初置南橋卽元明灞橋也今橋道光時重建又非隋唐舊地矣宋韓繼修灞橋督工急民磨碑石以應之省志云漢灞橋在城東二十里則當長水入灞之南與水經注不合灞水以西皆唐禁苑地宋人猶呼灞東曰苑東鄉十里澧橋按漢之澧水爲今藍田之輞川水經注澧水入灞在白鹿原東今白鹿原南起黃山在藍田縣南北終霸陵長六十里原東入灞之水止有輞川耳輞川首尾在藍田是古澧水與今咸甯縣無涉今澧水卽荆谿水乃

漢之長水也水經注長水西北流謂之荆溪合狗枷川水

水上承斫槃谷苦谷水

今名柘坡峪水苦峪水

石門谷水

今名湯北峪水

注荆谿又北入灞俗謂之澆水非也是鄭氏明言長水之

非澆史記封禪書云霸產長水澧澆涇渭則長與產本不

相混自地形志以山北縣苦谷爲澆水張守節史記正義

引括地志以荆溪爲澆澆之眞流遂晦唐人競稱爲輞川

莫知其爲眞澆荆溪旣訛爲澆水今人復於岸側建輞川

勝景坊是又令荆谿冒輞川之名輾轉滋誤益難究詰荆

谿水由橋下北流經沙谷堆西務莊南入灞水橋西爲十

里鋪

鋪迤南東臨荆谿水有高阜卽唐禁苑內望春臺故址十里鋪西北爲幹耳朵社元世祖封其子忙阿剌

爲安西王築城曰同治五年臘月擒匪張總愚由藍田趨
幹耳采卽今社也

西安官軍自新豐驛之大敗於十里坡湘果一軍陣亡總

兵蕭德揚以下三千餘人今坡上有昭忠祠詢之身親是役者曰擒匪

多用長矛官軍半用烏鎗是日大雪火繩不燃賊黨萬矛
環刺遂致大挫明年四月湘軍劉忠壯蜀軍黃鼎與張逆
遇於同州府北之漢邨賊營亘二十里時官兵多用洋鎗
劉忠壯令悉狙伏毋妄發賊矛林立而進旣近賊皆橫矛
出壯乃令發鎗良久烟散不見有賊蓋前者仆而後者奔
矣是日以少勝多洋鎗之力也戈矛不如烏鎗烏鎗不如
洋鎗洋鎗之前膛不如後膛有烟不如無烟操法之舊式
不如新式迂誇者指新式爲西法不屑學步而不知舊式
烏鎗之仍非中法也噫西法豈徒恃鎗砲哉其將弁均通
知各國輿地水陸兵法不缺額不侵餉不廢弛不侈然自
足今中國將弁藐視西人而不知己之鹵莽滅裂驕情欺飾被西人竊笑也久矣
六里金花落道
南里卽唐南內興慶宮東之金花落爲衛士所居其東南

隅卽春明門故地

唐京城東門三中日春明北曰通化南曰延興

金花落邨南有

龍首渠

白鳴鵲社分荆溪水西北流經黃渠元興韓森社折西經東關入城濠環城而西出舊有支流入城

今

二里陝省東郭門

迤北近唐之通化門迤南八家巷南有景龍池唐興慶殿東之龍池也池

南曰五龍壇龍堂又西南曰勤政務本樓花萼相輝樓故址無可訪矣

撫標弁勇出迎家

君詣官廳鹿撫院暨都統司道諸公行請

聖安禮從者先行過山西會館折南經中大街西大街

三里東門大街故唐景風街崇仁坊也

唐皇城東垣二門南曰景風北曰延

喜西行過滿城

唐皇城之東偏及延喜門永昌永興諸坊地

北有校場

前明秦王府址

四里鐘樓省城之中稍偏南卽滿城西南隅之門

鐘樓稍西布政

使署卽唐尙書省爲承天門街東第四橫街也

折南行南大街

唐安上門街也唐皇城南門三中日

朱崔左曰安上右曰含光今一里半折西爲湘子廟街唐

省城南門爲唐安上門地

常寺地承天門街半里住浙江會館計行五十九里廟街

東第七橫街也

之東卽府學街爲唐太廟地府學旁卽碑林經始於宋龍

圖學士呂大忠府學西卽關中書院講堂之後卽仁在堂

保廉幼時從吳江陳思然先生授讀仁在堂諸集竊以爲

秦人必多讀此而孰知不然或病其法律過嚴或營其選

刻不公箸作行遠而

西安府古雍州域周王畿

文王自畢程遷豐說

不行近有如此者

文豐在京兆杜陵西南故址在今城西南四十里馮集厥

南接鄠縣界故杜預左傳注謂在鄠縣東顏師古漢地志

注謂在長安西北靈臺鄉其北字係傳寫之訛武王遷鎬

詩疏引帝王世紀鎬亦在長安西南水經注漢武穿昆明

池於是地基構淪穢按昆明池在今斗門版豐鎬邨北高

陽原西地屬田許版當城西三十餘里涸爲平陸潘岳關

中記昆明有靈沼神池堯埋水

秦內史獻公自雍徙櫟陽

訖停舟此池蓋堯時本有池也

秦內史

雍今鳳翔縣櫟陽

今臨潼北孝公作咸

漢爲京兆尹

高帝七年自櫟陽徙都長安

陽始皇都之置內史

漢爲京兆尹

晉愍帝

陽徙都京兆前趙劉曜後趙石勒
前秦苻氏後秦姚氏均據長安
西魏孝武自宇文周隋

唐相繼都之
唐京兆郡屬關內道天寶初改京城曰西
京肅宗改上都昭宗東遷降爲佑國軍
五

代梁改大安府永平軍宋爲京兆府永興軍元曰安西路

改奉元路
陝西
明改西安府
長安縣
京兆
倚郭治府西

偏夏亳邑湯所居
史記六國表湯起於亳徐廣曰京兆杜陵亭也則杜

陵之亳乃亳本字若河南之亳則管子墨子荀子尙書大

傳俱作薄惟孟子借作亳秦本紀甯公三年與亳戰亳王

奔戎遂滅蕩杜是亳在杜西當今長安界古人遷都輒用

舊名契居番在華州後世蓋徙長安而番音轉爲毫歟今

本水經渭水注又訛番爲蕃要之夏之亳在雍州殷周豐

之亳在豫州又接殷有三亳馮景解春集攷之頗悉
周豐
鎬秦杜縣之長安鄉漢置長安縣
咸寧縣倚郭治府東
偏周杜伯國
今咸寧十五里姜邨版地左傳唐杜
氏杜預注成王滅唐邊之杜爲杜伯
秦杜縣

芷陽縣

城東二十里曹家堡

漢杜陵縣

故杜陵

霸陵縣

故芷陽

晉曰杜陵

霸城後魏改杜後周均廢置萬年縣

今城西北長

隋改大

興唐復萬年

唐萬年長安二縣以朱雀門大街爲界萬年治街東街起皇城南垣朱雀門南抵京城明

德門長九里有奇今城南二里小

天寶七載改咸甯

漢

惠帝築長安城東西十三里周六十五里爲斗形

元和志

西北十三里

隋初遷都龍首川營大興城唐因隋舊屢加修築

宮城東西四里南北二里

半在今城北關外金鑾坡等地

南卽皇城東西

五里南北三里

今城西南二面依唐皇城

南爲京城東西十八里南北

十五里

今南關外及城東城西諸輅

昭宗東遷長安遂墟天祐初韓建

去宮城及郭城重修皇城拓其東垣如今城之形宋以來

皆因而修之

戊子陝西鄉試主考官周二君於策問中謂

貧凋敝殊甚南山各府廩土民少而客民多良莠不一伏
莽難清西同鳳三郡較爲繁庶惟習俗近儒十民五蠢與
國風秦俗強悍之說迥殊省城同紇逾萬西接隴右羣同
充斥若輩不噉豕肉不沾煙癮故生齒日繁漢民材力既
不及同民畛域之見又不肯釋然斂怨積仇亂萌隱伏此
人事之難也關中越在西北大河急湍不便行舟東抵汴
梁東南出丹浙皆須十餘日其他尤慮鞭長山徑崎嶇郵
程濡滯無事艱於輓輸有事艱於策應南山古稱陸海今
則林木告罄倘營宮殿無所取材此地利之難也三百年
來形勢趨重江海樞紐要地莫若燕京遵運河以指兗徐
浮樓船以臨閩粵呼吸靈通地似偏而實不偏關中王氣
索然當漢唐時江海之利未盡闢豪傑悉聚關中以西北
制東南綽然有餘近世澤國利便見聞廣博西北購書觀
耳目隘以鈍駁按未易就範此古今情勢之不同也歐美
各國皆用海以強俄舊都莫斯科據全俄之中以其限於
大陸也遷波羅的以就海法都巴黎近海矣猶議溝通隄
岸求海船得抵城隍爲快輪帆所窮濟以鐵軌四大洲通
都巨邑罕有距江海至十程以外者離水愈遠其勢愈弱

我所患在艱於更張非地利之咎枕榆闕扼渤澥而都借
強鄰爲磨厲庶有欲罷不能之勢論者動欲遷避示人以
畏海卽示人以不求自強若匿跡華山之西塞聽蔽明苟
安愈甚寇能越三萬里而窺燕畿獨畏自燕至秦之二千
餘里乎況官民俱窮人心思亂萬乘遠行愿從釋騷竊恐
乘輿一動枝節百出矣泥古者蓋思之 光緒丁丑關隴
晉豫同時大旱而關中以同州爲最畝地值三百錢華屋
莫售撤作柴薪勛不及一錢賣婦女有一二餅易之者百
樹乾葉榆皮棉子麥秸油渣均磨作麪得槐實瓜皮卽爲
珍羞苜蓿枯乾掘其根莖蓬蒿諸草子雜煮以食近山有
食石麪者多致死牛馬貓犬殺食殆盡乃捕鳩鵲鼠兔吞
鞋底廢皮浸煮和醯糟麪塵爲粥繩頭破布灰炭皆強吞
嚼雖食賑者日十餘萬人而拯救未能遍及哭聲被野餓
殍相望有財者亦握金珠而饕餮官紳籌賑殍精竭力陸
運則輪蹄迂緩牛馬且多疫死糧食購自荆湘湖漢至荆
子關登岸西北經朱陽關號略鎮閬鄉抵潼關或經龍駒
寨陸路到關均六百餘里蹊徑罕確循李唐轉漕之法由
陝州泛舟倘遇逆風兼旬難到是故關中無鐵軌必不可
立都倉近世戶口浮於漢唐人滿地少古所未耕者今皆
田之故災祲亦密於古談經濟者動謂可由涇渭引渠通

漕青門不知地倚秦嶺南高北下未易逆上又終南老林
盡爲町畦沙土下注縱能廣治溝洫亦必轉瞬淤填日後
或以奇器激水是於無可如何中強
奪天工未可概責諸今日之人也

辛卯侍行記卷二終